

五經集注

春秋十一之五

三

26  
14

東 京 圖 書 館			
漢書門	別	函	架
類	冊	號	冊
26	26	26	26

漢 書 門			
類	號	函	架
冊	冊	冊	冊
26	26	26	26

內 閣 文 庫			
漢書	冊	號	架
冊	冊	冊	冊
26	26	26	26

內 閣 文 庫	
番 號	漢 5912
冊 數	26 ( 13 )
函 號	275 240

不許帶出

0 1 2 3 4 5 6 7 8 9 10

A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak











春秋卷之十一

附林堯叟音胡安國傳

僖公上

公名申。莊公之子。閔公之兄。諡法小心畏忌曰僖。

周 惠王十八年。魯僖公八年。

鄭 文公十四年。魯僖公三十年。

齊 桓公二十七年。魯僖公十七年。桓公卒。寺人貂作亂。立無虧。僖十八年。殺無虧。孝公昭立。

僖二十七年。孝公卒。弟昭公潘立。


宋 桓公二十三年。魯僖公九年。桓公卒。子襄公茲父立。僖十九年。盟于曹南。宋襄公圖霸。

僖二十一年。為鹿上之盟。以求諸侯於楚。僖二十二年。及楚戰。敗于泓。二十三年。襄公卒。

春秋 僖公上

卷十一

篇譜查錄





子成公

王臣立

晉

獻公十八年魯僖公十九年獻公卒子奚齊立  
冬殺奚齊卓子立僖十年弒卓子惠公夷吾  
立僖二十三年惠公卒懷公圍立僖二十四  
年殺懷公文公重耳立僖二十八敗楚人  
于城濮合諸侯于踐土文公主伯魯僖公三  
十二年文公卒子襄公驪立僖三十三年敗  
秦于殽襄公繼伯

衛

文公元年魯僖公二十五年文公卒子成公  
立僖二十八年成公奔楚衛元咺奉叔武以  
受盟于踐土衛成復歸殺叔武晉人執衛侯  
元咺立公子瑕僖三十年殺瑕衛成公歸衛

蔡

穆侯十六年魯僖公十四  
年穆公卒子莊公甲午立

曹

昭公三年魯僖公七年昭公卒子共公襄立  
僖二十八年晉文公執曹伯畀宋人是年曹

伯歸

滕

詳見隱公元年魯僖公  
十九年宋執滕宣公

陳

宣公三十四年魯僖公十二年宣公卒子穆  
公欵立僖二十八年穆公卒子共公朔立

杞

杜氏年表武公十二年入春秋至僖公二十  
三年始載杞成公卒弟桓公姑容立而攷之  
史記自武公靖公共公德公至桓公姑容立  
共九十六年而無成公一代世本譙周索隱  
徐廣所說又云惠公生成公桓公各有互異  
又如春秋所書隱四年伐杞桓公三年來朝三  
年會杞莊二十五年伯姬歸杞傳並不載何  
公今但當以左傳所載桓公及杜氏年表為  
正可也

薛

魯莊公三十  
一年載薛伯卒

春秋

僖公上

卷十一

二

崑崙山齋



春

莒 詳見隱公元年魯僖公二十六年傳見莒茲平公

邾 文公七年

許 穆公三十九年魯僖公四年穆公卒于師僖公業立

小邾 魯莊公五年書邾黎來至魯僖公七年始書小邾子始爵命也自邾黎來為小邾子

命諸侯矣

楚 成王十三年魯僖公元年始書楚僖四年齊桓公服楚召陵僖二十二年楚敗宋于泓皆

子文為合尹時也僖二十三年子文復子玉為合尹僖二十八年晉敗楚于城濮

秦 穆公元年魯僖公十五年戰韓始見僖二十四年納晉文公僖三十三年晉襄公敗秦

于殽遂成秦晉七十二年兵爭之始

吳 詳見隱公元年

越 詳見隱公元年

元年 齊桓二十七年晉獻十八年衛文公燬元年蔡穆十六年鄭文

十四年曹昭三年陳宣三十四年杞惠十四年宋桓二十三年秦穆公任好元年楚成十三年

春王正月

不書即位內無所承上不請命也閔公薨夫  
人孫于邾慶父出奔莒公於是焉以成風所  
屬而季子立之內無所承也嗣子定位於初  
喪而魯使不告于周明年正位改元而周使  
亦不至於魯又明年服喪已畢而不見于京  
師上不請命也承國於先君者父子之倫請  
命於天王者君臣之義今僖公內無所承上  
不請命不書即位正王法也是故有四海而

春秋

僖公上

卷十一

三 山齋齋齋齋



春秋

即天王之位者受之於天者也。有一國而即諸侯之位者受之於王者也。受之於天者必奉若天道而後能保天下。受之於王者必謹守王度而後能保其國。**音註** 孫音遂屬章欲反使去聲見音現

齊師桓桓曹師昭次于聶北救邢**音註** 北聶

邢地聶音躡

三國稱師見兵力之有餘也。聶北書次其為善邢之不速也。春秋大義伐而書次其次為善遂伐楚次于陘美之也。救而書次其次為賤救邢次于聶北譏之也。聖人之情見矣。故救患分災於禮為急而好攻戰樂殺人者於罪為大。**音註** 見音現好去聲樂音洛

夏六月邢遷于夷儀**音註** 夷儀邢地

齊師宋師曹師城邢

書邢遷于夷儀見齊師次止緩不及事也。然邢以自遷為文而再書齊師宋師曹師城邢者美桓公志義卒有救患之功也。不以王命與師亦聖人之所與乎。中國衰微夷狄猾夏天子不能正至於遷徙奔亡諸侯有能救而存之則救而存之可也。以王命與師者正能救而與之者權

秋七月戊辰夫人姜氏薨于夷齊人以歸**音註**

左傳在閔二年不書齊人殺諱之書地者明在外薨

夫人薨不地其曰薨于夷故也。桓公召而殺之也。其曰齊人以歸者以其喪歸于魯也。齊為盟主義得舉法是伯者之所以行乎諸侯也。既誅其人又歸其喪何居魯欲拒而勿受

故坊本作何

春秋僖公上卷十一

四

篇譜箇鑄



乎。則子無讎母之義。受而葬之乎。已絕者復得享小君之禮。典刑紊矣。故特書以歸。而不可曰歸。夫人之喪。音註。居音基。復以者。不以者也。音註。扶又反。

楚人伐鄭

音註

荆始書楚

楚稱人。浸強也。莊公十年。敗蔡師。虜獻舞。固已強矣。然獨舉其號者。始見于經。則本其僭竊之罪。正其夷狄之名。著王法也。二十三年。來聘。嘉其慕義。乃以人書。二十八年。伐鄭。惡其猾夏。復以號舉。至是。又伐鄭也。亦書人者。豈許其伐國。而人之乎。會中華。執盟主。朝諸侯。長齊晉。其所由來者。漸矣。音註。見音現。惡去聲。復扶又反。長展兩反。

八月公會齊侯宋公鄭伯曹伯邾人于櫟

音註

櫟。宋地。音噴。衣裳之會。六

九月公敗邾師于偃

音註

偃邾地

櫟之會。謀救鄭。而公與邾人咸與焉。則是志同而謀協也。今既會邾人于櫟。又敗邾師于偃。於此。責公無攘夷狄安中國之誠矣。凡此類。皆直書其事。而義自見也。詐戰曰敗。敗之者為音註。與音預。音現。

冬十月壬午公子友帥師敗莒師于鄆獲莒挈

音註

鄆力知反。挈女居反。又音拏。

按公羊。慶父走莒。莒人逐之。將由乎齊。齊人不納。却反舍于汶水之上。使奚斯入請。不可而死。莒人曰。吾已得子之賊。以求賂乎魯。魯人弗與。為是興師而來伐。然則罪在莒也。而以季友主此戰。何也。抑鋒止銳。喻以詞命。使知不縮。而引去。則善矣。今至於兵刃既接。又



春秋

用詐謀擒其主將。此強國之事。非玉者之師。春秋之志。故以季友為主。而書敗獲。責之備也。

**音註**

為于偽反。將去聲。

十有二月丁巳。夫人氏之喪至自齊。

夫人預弒二君。幾於亡國。大義已絕。不可復入宗廟矣。書孫于邾。薨于夷者。絕哀姜也。書齊人以歸。夫人氏之喪。至自齊者。譏桓公也。不稱姓者。殺于齊。不去氏者。受於魯。

**音**

**註**復扶又反。孫音遜。去起呂反。

癸亥 惠王十二年 齊桓二十八 晉獻十九 衛文二 宣 三十四 杞惠十五 宋桓 二十四 秦穆二 楚成十四

春王正月城楚丘

楚丘衛邑。桓公帥諸侯城之。而封衛也。不書桓公。不與諸侯專封也。木瓜美桓公。而夫子錄之。意豈異乎。不與專封。正王法也。木瓜有取焉。善衛人之情也。曷為善之。報者天下之利。以德報德。則民有所勸矣。城楚丘畧而不書。城邢詞繁而不殺。何也。按周制。凡封國。大宗伯。儋司几筵。設黼展。內史作策命。是天子大權。非諸侯所得擅而行之者也。衛人渡河。野處曹邑。許穆夫人閔其亡。而載馳賦。文公徙居楚丘。而後百姓悅。則其國固嘗亡滅。而不存矣。城楚丘。是擅天子之大權。而封國也。邢遷于夷。儀經。以自遷為文。則其遷出於已意。其國未嘗滅也。諸侯城邢。是謂同惡相恤。以從簡書。故詞繁而不殺。美救患也。桓公封衛。而衛國忘亡。其有功於中華甚大。為利於衛人甚博。宜有美詞。發揚其事。今乃微之。若此者。正其義。不謀其利。明其道。不計其功。畧小惠。存大節。春秋之法也。故曰五伯三王之

春秋

僖公上

卷十一

六 山齋齋堂鑄



春秋

罪人仲尼之徒無道桓文之事者音註 殺所賣反

夏五月辛巳葬我小君哀姜

虞師晉師滅下陽音註 下陽號邑

按孟子晉人以垂棘之璧與屈產之乘假道於虞以伐虢宮之奇諫百里奚不諫然則晉人造意以虞首惡何也貪得重賂遂其強暴滅兄弟之國以及其身而亡其社稷所以為首乎春秋聖人律令也觀此義可以見法矣唐高宗賜其臣長孫無忌金寶繒錦欲以立武昭儀雖無忌終不順旨君子猶譏其沒於利而不反君賜也矧受他人之賂遂其強暴者乎國而曰滅下陽邑爾其書滅何也下陽虞虢之塞邑猶秦有潼關蜀有劔嶺皆國之門戶也潼劔不守則秦蜀破下陽既舉而虞虢亡矣春秋此義以天下為家以城郭溝池

為固以山川丘陵為險設之以守音註 屈求

國而待暴客者也其衰世之意耶音註 勿居

秋九月齊侯宋公江人黃人盟于貫音註 貫宋

裳之會不在九合之數

按左氏盟于貫服江黃也荆楚天下莫強焉江黃者其東方之與國也二國來定盟則楚人失其右臂矣樂毅破齊先結韓趙孔明伐魏申好江東雖武王牧野之師亦誓友邦遠及庸蜀彭濮八國之人共為犄角之勢也桓公此盟其服荆楚之慮周矣其攘夷狄免民於左衽之義著矣盟雖春秋所惡然諸侯皆在獨言遠國者許是盟也

冬十月不雨

春秋 僖公上

卷十一

七

山齋齋齋齋



楚人侵鄭

甲惠王二十三年齊桓二十九晉獻二十衛文三  
宣三十六杞惠十六宋桓  
二十五秦穆三楚成十五

春王正月不雨夏四月不雨

穀梁子曰不雨者勤雨也每時而一書閔雨也閔雨者有志乎民者也歷時而總書不憂雨也不憂雨者無志乎民者也按詩稱僖公儉以足用寬以愛民務農重穀則誠賢君也其有志乎民審矣故冬不雨而書春不雨而書夏不雨而書以宗廟則世室屋壞以賦政則四不視朔以邦交則三不盟其無志乎民亦審矣故自十有二月不雨至于秋七月而書以著其慢也自正月不雨至于秋七月而書以著其慢也

音註

以練祭則緩於作主見文公二年以宗廟則世室屋壞見文公十三年以賦政則四不視朔見文公十六年以邦交則三不盟見文七年十五年十七年自十有二月不雨至於秋七月而書見文公二年自正月不雨至於秋七月而書見文公十年十三年

徐人取舒

六月雨

雨云者喜雨也閔雨與民同其憂喜雨與民同其樂此君國子民之道也觀此義則知春秋有懼天災恤民隱之意遇天災而不懼視民隱而不恤自樂其樂而不與民同也國之亡無音註樂音洛日矣音註下同

秋齊侯宋公江人黃人會于陽穀音註

陽穀齊地衣裳



春秋

之會不在  
九合之數

按左氏謀伐楚也。或曰：侵蔡次涇之師，諸侯皆在江黃，獨不與焉，則安知其為謀伐楚乎？曰：兵有聚而為正，亦有分而為奇。諸侯之師同次于涇，所謂聚而為正也。江人黃人各守其地，所謂分而為奇也。次涇，大眾厚集，其陣聲罪致討，以震中國之威。江人黃人各守其境，按兵不動，以為八國之援。此克敵制勝之謀也。退于召陵而盟，禮定，循海以歸，而濤塗之執，然後及江人黃人伐陳，則知侵蔡次涇而二國不會，自為犄角之勢，明矣。此大會而未言者，善是謀也。

冬公子友如齊涖盟

楚人伐鄭

**乙丑** 惠王二十四年 齊桓三十 晉獻二十一 衛文四 蔡穆十九 鄭文十七 曹昭六 陳

宣三十七 杞惠十七 宋桓二十六 秦穆四 楚成十六

春王正月公會齊侯宋公 陳侯 衛侯 鄭

伯 許男 曹伯 侵蔡 蔡潰 遂伐楚 次于涇

**音註** 侵蔡 遂伐楚 以見齊霸 侵陳 遂侵宋 以見楚霸 ○涇 楚地 音刑 楚強 齊欲綏之以德

故不速進 而次于涇

潛師掠境曰侵。侵蔡者，奇也。聲罪致討曰伐。伐楚者，正也。遂者，繼事之詞，而有專意。次，止也。楚貢包茅不入，王祭不共，無以縮酒。桓公是徵，而楚人服罪，師則有名矣。孟子何以獨言春秋無義戰也？譬之殺人者，或曰：人可殺，歟？曰：可，孰可以殺之？曰：為士師，則可以殺之。

春秋僖公上

卷十一

九

山齋齋齋齋



矣。國可伐歟。曰。可。孰可以伐之。曰。為天吏。則可以伐之矣。楚雖暴橫。憑陵上國。齊不請命。擅合諸侯。豈所謂為天吏以伐之乎。春秋以義正名。而樂與人為善。以義正名。則君臣之分嚴矣。書遂伐楚。譏其專也。樂與人為善。苟志於善。斯善之矣。書次于陘。楚屈完來盟于師。盟于召陵。

**音註**

共音恭。橫去聲。

夏許男新臣卒

**音註**

穆公卒。僖公業立。

劉敞曰。諸侯卒于外者。在師則稱師。在會則稱會。今許男一無稱者。此去師與會而復歸。其國之驗也。召陵地在潁川。是以許男復焉。古者國君即位而為禫。歲一漆之。出疆必載禫。卒于師曰師卒。于會曰會正也。許男新臣卒。非正也。其為人君不知命者也。不知命。則必畏死。畏死則必貪生。貪生則必亂於禮矣。而後有容身苟免之恥。而後有淫祀非望之

惑。此說是也。夫知生死之說。通晝夜之道者。亦豈有以異於人哉。苟得正而斃焉。則無求矣。

**音註**

禫音音。關。

楚屈完來盟于師。盟于召陵。

**音註** 不戰服楚也。召陵。潁川縣。

召音

楚大夫未有以名氏通者。其曰屈完。進之也。其不稱使。權在完也。來盟于師。嘉服義也。盟于召陵。序桓績也。桓公帥八國之師。侵蔡而蔡潰。伐楚而楚人震恐。兵力強矣。責包茅之不貢。則諾。問昭王之不復。則辭。傲與同好。則承以寡君之願。語其戰勝。攻克。則對以用力之難。然而桓公退師。召陵以禮。楚使卒與之盟。而不遂也。於此見齊師雖強。桓公能以律用之。而不暴。楚人已服。桓公能以禮下之。而不驕。庶幾乎王者之事矣。故春秋之盟。於斯



春秋

為盛而楊子稱之曰齊桓之時繼而春秋美召陵是也

**音註** 傲古堯反好去聲語

去聲使去聲  
繼委粉反

齊人執陳轅濤塗

**音註** 轅濤塗陳大夫轅音袁

秋及江人黃人伐陳

八月公至自伐楚

葬許穆公

冬十有二月公孫茲帥師會齊人宋人衛人鄭

人許人曹人侵陳

**音註** 公孫茲叔牙子即叔孫戴伯也霸國大夫會諸

大夫侵與國自此始

楊子法言或問為政有幾曰思斃昔在周公征于東方四國是王其思矣夫齊桓公欲徑陳陳不果納執轅濤塗其斃矣夫桓公識明而量淺管仲器不足而才有餘方楚人未怙而齊以為憂也致勤於鄭振中夏之威會于陽穀惇遠國之信按兵于陘修文告之辭退舍召陵結會盟之禮何其念之深禮之謹也存此心以進善則桓有王德而管氏為王佐矣堯舜性之也湯武身之也五霸假之也久假而不歸惡知其非有惜乎桓公假之不久而遽歸也楚方受盟志已驕溢陳大夫一謀不協其身見執其國見伐見侵而怒猶未怠也桓德於是乎衰矣愛人不親反其仁治人不治反其智禮人不答反其敬行有不得者皆反求諸己其身正而天下歸之曾可厚以責人不自反乎原其失在於量淺而器不宏也魏武纔得荊州而張松見忽唐莊宗自矜取汴而高氏不朝成湯勝夏撫有萬方乃曰



春秋

茲朕未知獲戾于上下。慄慄危懼。若將隕于深淵。其爾萬方有罪。在予一人。予一人有罪。無以爾萬方人之度量相越。豈不遠哉。春秋稱人以執罪齊侯也。稱侵陳者深責之也。故孟子曰。仲尼之徒無道桓文之事者。管仲曾西之所不為也。而子為我願之乎。

**音註**

**丙** 惠王二十五年 齊桓三十一年 晉獻二十二年 衛文  
**寅** 十二年 鄭文十八 曹昭七  
陳宣三十八 杞惠十八 宋桓  
二十七 秦穆五 楚成十七

春 晉侯殺其世子申生

公羊子曰。殺世子母弟直稱君者甚之也。申生進不能自明。退不能違難。愛父以姑息而陷之不義。讒人得志。幾至亡國。先儒以為大仁之賊也。而目晉侯斥殺。專罪獻公。何也。春

秋。端本清源之書也。內寵並后。嬖子配適。亂之本也。驪姬寵奚齊。卓子嬖。亂本成矣。尸此者其誰乎。是故曰。晉侯斥殺。專罪獻公。使後世有欲紊妃妾之名。亂適庶之位。縱人欲滅天理。以敗其家國者。知所戒焉。以此防民。猶有以堯母名門。使姦臣逆探其意。有危皇后太子之心。以成  
**音註** 幾平聲。適音嫡。下同。  
杞伯姬來。朝其子。**音註** 伯姬歸寧成風。因見其子於公。時子年十歲。左

夏。公孫茲如牟。**音註** 牟。小國。

公及齊侯宋公陳侯衛侯鄭伯許男曹伯會王

世子于首止。**音註** 首止。衛地。衣裳之會。七。○殊。會世子。不以世子夷於諸侯。

卷十一 十一 崑崙山



所以定世子也

及以會尊之也。以王世子而下會諸侯則陵。以諸侯而上與王世子會則抗。春秋抑強臣。扶弱主。撥亂世反之正。特書及以會者。若曰王世子在是。諸侯咸往會焉。示不可得而抗也。後世論其班位。有次于三公宰臣之下。亦有序乎其前者。則將奚正。自天王而言。欲屈遠其子。使次乎其下。示謙德也。自臣下而言。欲尊敬王世子。則序乎其下。正分義也。天尊地卑。而其分定。典敘禮秩。而其義明。使羣臣得伸其敬。則貴有常尊。上下辨矣。經書宰周公祇與王人同序於諸侯之上。而不得與殊會同書。此聖人尊君抑臣之旨也。而班位定矣。

**音註**

祇音支

秋八月諸侯盟于首止

無中事復舉諸侯會盟同地。再言首止者。書之重。詞之複。其中必有大美惡焉。首止之盟。美之大者也。王將以愛易世子。桓公有憂之。控大國扶小國。會于首止。以定其位。太子踐阼。是為襄王一舉。而君臣父子之道皆得焉。故夫子稱之曰。管仲相桓公。一匡天下。民到于今受其賜。微管仲。吾其被髮左衽矣。中國之為夷狄矣。故曰首止。**音註** 衽。皮寄反。衽。而審反。

鄭伯逃歸不盟

事有惡者不與為幸。其善者不與為貶。平丘之盟。惡也。請魯無勤。是以為幸。故直書曰。公不與盟。首止之盟。善也。犯眾不盟。是以為貶。故特書曰。鄭伯逃歸。逃者。匹夫之事。以諸侯之尊。下行匹夫之事。雖悔於終。病而乞盟。如所喪何。其書逃歸不盟。深貶之也。或曰。首止



之會非王志也。王惡齊侯定世子而使周公召鄭伯曰吾撫汝以從楚可以少安。鄭伯喜於王命而畏齊故逃歸不盟。然則何罪乎。曰春秋道名分尊天王而以大義為主。夫義者權名分之中而當其可之謂也。諸侯會王世子雖衰世之事而春秋與之者是變之中也。鄭伯雖承王命而制命非義春秋逃之者亦變之中也。天下之大倫有常有變。舜之於父子湯武之於君臣周公之於兄弟皆處其變者也。賢者守其常聖人盡其變會首止逃鄭伯處父子君臣之變而非聖人莫能修之者矣。秋之所以為春秋而非聖人莫能修之者矣。

**音註**

惡與音預下同喪息浪反

楚人滅弦弦子奔黃

九月戊申朔日有食之

冬晉人執虞公

公羊子曰虞已滅矣其言執何不與滅也滅者亡國之善詞上下之同力也若夫虞公地之縑於晉久矣晉命行乎虞民信矣其曰晉人執之者猶眾執獨夫耳貴為天子富有四海而身為獨夫商紂是也貴為諸侯富有一國而身為獨夫虞公是也其曰公者非存其爵猶下執之詞也。不言以歸驗其為匹夫之實也。書滅下陽於始而記執虞公於後可見棄義趨利瀆貨無厭之能亡國敗家審矣。

**音註**

厭平

丁卯 惠王二十六年 齊桓三十二年 晉獻二十三年 衛文公十三年 蔡穆二十一年 鄭文十九年 曹昭八年 陳宣三十九年 杞成公元年 宋桓二十八年 秦穆六年 楚成十八年

春王正月

春秋僖公上

卷十一

十四

山嵐齋堂鑄



夏公會齊侯宋公陳侯衛侯曹伯伐鄭圍新城

**音註**

新城鄭新密也

秋楚人圍許諸侯遂救許

**音註**

夷狄始滅圍中國

冬公至自伐鄭

齊自召陵之後兵服四夷威動諸夏今合六國之師圍新造之邑宜若振槁然圍而不舉有遺力者矣及楚人攻許即解新城之圍移師救許是又得討罪分災救急之義也故特書曰楚人圍許諸侯遂救許凡書救者未有不善之也其曰遂救許善之尤者也善之尤則何以致久也

**戊辰**

惠王二十四年

七年

齊桓三十三晉獻二十四衛文七蔡穆二十二鄭文二十曹昭

九卒陳宣四十杞成二宋桓二十九秦穆七楚成十九

春齊人伐鄭

夏小邾子來朝

鄭殺其大夫申侯

**音註**

申侯即申出也

將申師少稱人聲罪致討曰伐鄭伯背華即夷南與楚合而未離也故桓公復治之孔叔言於其君請下齊以救國鄭伯曰吾知其所由來矣姑少待我於是殺申侯以說於齊稱國以殺者罪累上也不知自反內忌聽讒而擅殺其大夫信失刑矣如申侯者其見殺何也專利而不厭則足以殺其身而已矣

**音註**

厭於虐反

秋七月公會齊侯宋公陳世子欵鄭世子華盟

春秋僖公上

卷十一

十五

山齋齋室錄



春秋

于甯母音註

甯母魯地高平方與縣有泥母亭母音某又音無衣裳之會入

曹伯班卒音註

昭公卒子共公襄立

公子友如齊

冬葬曹昭公

已惠王二十八年

齊桓三十四晉獻二十五衛文八蔡穆二十三鄭文二十

一曹共公襄元年陳宣四十一杞成三宋桓三十秦穆八楚成二十

春王正月公會王人齊侯宋公衛侯許男曹伯

陳世子欵盟于洮鄭伯乞盟音註

洮曹地兵車之會一〇王

人與諸侯盟不譏者王室有難故也

王人下士也。內臣之微者莫微於下士。外臣之貴者莫貴於方伯公侯。今以下士之微序乎方伯公侯之上。外輕內重。不亦偏乎。春秋之法。內臣以私事出朝者。直書曰來。以私好出聘者。不稱其使。以私情出計者。止錄其名。不以其貴故尊之也。以王命行者。雖下士之微。序乎方伯公侯之上。不以其賤故輕之也。然則班列之高下。不在乎內外。特繫乎王命爾。聖人之情見矣。尊君之義明矣。乞者卑遜自屈之辭。欲與是盟。而未知其得與否也。始而逃歸。今則乞盟。於以見舉動人君之大節。不可不慎也。音註好去聲

夏狄伐晉

秋七月禘于大廟。用致夫人

按禮大禘升歌清廟下而管象朱干玉戚以舞大武八佾以舞大夏此天子之禮樂也踐

春秋僖公上

卷十一

十六

山齋齋齋齋



其位則行其禮。奏其樂。故雖禘太祖。周頌也。而其詩曰。相維辟公。天子穆穆。周公人臣。不踐其位。魯侯國而用天子之禮。亂名犯分。莫大乎是。故夫子志之曰。郊社之禮。所以事上帝也。宗廟之禮。所以祀乎其先也。魯侯國而以王禮祀大廟。是誣僞不誠而非所以事乎其先矣。故夫子傷之曰。禘自既灌而往者。吾不欲觀之。夫灌以降神。乃祭之始而已。不欲觀。是自始至終皆非禮矣。用者不宜用也。致者不宜致也。夫人者。風氏也。初成風。聞季友之繇。遂事之。而屬僖公焉。故季子立之。公賜季友汶陽之田。及費。又生而命之氏。俾世其卿。而私門強矣。於成風。則舉大事於始祖之廟。立以為夫人。而嫡妾亂矣。以私勞寵其臣。而卑公室。以私恩崇其母。而輕宗廟。皆越禮之罪也。經書夫人而不稱姓氏。其貶深矣。

冬十有二月丁未天王崩

庚襄王九年齊桓三十五晉獻二十六卒衛文  
九年九蔡穆二十四鄭文二十二曹共

二陳宣四十二杞成四宋桓三  
十一卒秦穆九楚成二十一

春王正月丁丑宋公御說卒音註御說宋公名也音語悅桓

公卒子襄  
公茲父立

夏公會宰周公孔齊侯桓宋子襄衛侯文鄭伯

許男僖曹伯于葵丘音註宰周公天子之為政者也葵丘齊地

在陳留縣東  
衣裳之會九

其曰宰周公者以冢宰兼三公也古者三公無其人則以六卿之有道者上兼師保之任冢宰或闕亦以三公下行端揆之職禹自司空進宅百揆又曰作朕股肱耳目是以宰臣

春秋僖公上

卷十一

十七

山齋譜商鑄



春秋

上兼師保之任也。周公為師，又曰位冢宰。正百工，是以三公下行，端揆之職也。所以然者，三公與王坐而論道，固難其人，而冢宰統百官，均四海，亦不易處也。夫以冢宰兼三公，其職任重矣，而不殊會之，何也？人臣則有進退之節，出入均勞之義，非王世子貴有常尊之可比。  
**音註** 易去聲 處上聲

秋七月乙酉伯姬卒

九月戊辰諸侯盟于葵丘

**音註**

桓之會有天子之事三於洮既

序王人於諸侯之上，而同盟焉。於葵丘亦序周公於諸侯之上，而不敢同盟焉。盟於首止，不但不同盟也。而帥諸侯以會世子，桓知節矣。春秋是以予桓也。會盟同地，再言葵丘，何也？書之重，辭之復，其中必有大美惡焉。葵丘之盟，美之大者也。初

命曰：誅不孝，無易樹子，無以妾為妻，再命曰：尊賢育材，以彰有德。三命曰：敬老慈幼，無忘實旅。四命曰：士無世官，官事無攝，取士必得，無專殺大夫。五命曰：無曲防，無遏糴，無有封而不告。曰：凡我同盟之人，既盟之後，言歸于好，以是為盡禁矣。諸侯咸喻乎桓公之志，蓋束牲載書而不歃血也。是故會盟同地而再言葵丘，美之也。觀孟子所載此盟，初命之辭，則知桓公翼戴襄王之事信矣。

甲子晉侯詭諸卒

**音註**

獻公卒，子奚齊立，詭九委反。

冬晉里克殺其君之子奚齊

**音註**

獻公未葬，奚齊未成君，故

稱君之子奚齊，受命繼位，無罪，故里克稱名。○是年晉里克弑其君卓，晉惠公夷吾立。穀梁子曰：其君之子云者，國人不子也。不正其殺申生而立之也。人君擅一國之名，寵為

春秋僖公上

卷十一

十六

山齋齋齋齋



其所子則當子矣。國人何為不子也。民至愚而神是非好惡靡不明且公也。其為子而弗子者莫能使人弗之子也。非所子而子之者莫能使人之亦子也。周幽王嘗黜太子宜臼。子伯服矣。而犬戎殺其身。晉獻公亦殺世子申生。立奚齊矣。而大臣殺其子。詩不云乎。天生蒸民。有物有則。民之秉彝。好是懿德。此言天理根於人心。雖以私欲滅之。而有不可滅也。春秋書此。以明獻公之罪。抑人欲之私。示天理之公。為後世戒。其義大矣。以此防民。猶有欲易太子而立趙王如。**音註**好惡並去聲。意致夫人之為人。彘者。周幽王黜太子宜臼。子伯服矣。而犬戎殺其身。註見隱公元年。欲易太子而立趙王如意。致夫人之為人。彘事見漢書惠帝元年。

**辛未**

襄王十年。齊桓三十六。晉惠公夷吾元年。衛文十。蔡穆二十五。鄭文二十三。曹

共二。陳宣四十三。杞成五。宋襄公。茲父元年。秦穆十。楚成二十二。

春王正月。公如齊。

**音註**

魯始屈於大國。朝齊之始。

狄滅溫。溫子奔衛。

**音註**

溫。王畿地。蓋中國也。狄滅而居其地。

晉里克弒其君卓。

**音註**

弒卓在前年。而以今春書者。從赴也。

國人不君。奚齊卓子。而曰里克弒其君卓。何也是。里克君之也。克者。世子申生之傅也。驪姬將殺世子而難里克。使優施飲之酒。而告之。以其故。里克聽其謀。乃欲以中立自免。稱疾不朝。居三旬而難作。是謂持祿容身。速獻公殺。適立庶之禍者。故成其君臣之名。以正其弒逆之罪。克雖欲辭。而不受。其可得乎。使克明於大臣之義。據經廷諍。以動其君。執節不貳。固太子以攜其黨。多為之故。以變其志。其濟則國之福也。其不濟而死於其職。亦無



歎矣。人臣所明者義，於功不貴幸而成。所立者節，於死不貴幸而免。克欲以中立祈免，自謂智矣，而終亦不能免等死耳。不死於世子而死於弑君，其亦不知命之蔽哉。語曰：不知命，無以爲君子也。爲人臣而不知春秋之義者，必陷於篡弑誅死之罪。克之謂也。

**音註** 難乃旦反。下同。飲於鳩反。適音嫡。

### 及其大夫荀息

**音註**

荀息從君於昏，故稱名。

荀息者，奚齊卓子之傅也。君弑而死於難，書及所以著其節。書大夫不失其官也。於荀息何取焉？若息者可謂不食其言矣。或曰：息既從君於昏，不食其言，庸足取乎？世衰道微，人愛其情，私相疑貳，以成傾危之俗。至於刑牲歃血，要質鬼神，猶不能固其約也。孰有可以託六尺之孤，寄百里之命，臨死節而不可奪，如息者哉？自古皆有死，民無信不立。故聖人

以信易食，而君子以信易生。息不食言，其可少乎？

**音註**

難乃旦反。要平聲。

### 夏齊侯許男伐北戎

**音註**

北戎山戎。

### 晉殺其大夫里克

**音註**

里克親爲三怨之主，弑二君，故稱名。

里克弑二君與一大夫，不以討賊之詞書者，惠公殺之，不以其罪也。殺之，不以其罪，奈何？里克所爲弑者，爲重耳也。夷吾曰：是又將殺我也。則謂克曰：爾既殺夫二孺子矣，又將圖寡人，爲爾君者，不亦病乎？里克對曰：不有廢也。君何以興？欲加之罪，何患無詞？臣聞命矣。伏劍而死。若惠公既立，而謂克曰：先君命大夫爲世子傅，世子死，非其罪，而大夫不之恤，若奚齊者，既有先君之命矣，而大夫又殺之，以及卓大夫，雖殺之，獨不念先君之命乎？則克必再拜而死，不復有言矣。惠公乃曰：又將圖寡人，是殺之，不以其罪也。故稱國以殺而



春秋

不去其官 **音註** 為于偽反下同重平聲復扶又反

秋七月

冬大雨雪 **音註** 雨如去聲

**王** 襄王十有一年 **音註** 齊桓三十七晉惠二衛文十申三年一蔡穆二十六鄭文二十四

曹共四陳宣四十四杞成六宋襄二秦穆十一楚成二十三

春晉殺其大夫平鄭父 **音註** 平鄭父里克之黨以私怨謀亂國

書名罪之書春從告也

按左氏平鄭言於秦伯請出晉君則鄭有罪矣曷為稱國以殺而不去其官惠公以私意殺里克故其黨皆懼鄭之有此謀由殺里克致之也春秋以大義公天下為誅賞故書法

如此其稱國者兼罪用事大夫不能格君心之非至於多忌濫刑危其國也 **音註**

去上聲

夏公及夫人姜氏會齊侯于陽穀 **音註** 齊侯之志荒矣

襄陵許翰曰先乎陽穀之會為大雨雪後乎陽穀之會為大雩信公賢君不能禮佐齊桓儆其怠忽而更與之俱肆于寵樂是以見戒於天如此以公夫人陽穀之會觀之齊桓伯業怠矣故楚人伐黃不能救凡此類 **音註** 襄屬詞比事直書于策而義自見者也 **音註** 襄許翰按宋鑑許翰洪州襄邑人元祐間進士累官翰林學士同知樞密院高宗時拜尚書中丞終資政殿大學士翰通經術正而不撓歷事三朝致位政府論議剴切然橫遭口語志卒不展所著有春秋傳屬入聲比去聲見音現

春秋 僖公上 卷十一

三

崑崙齋



秋。八月。大雩。

冬。楚人伐黃。

**音註** 黃人不歸楚貢。故楚人伐之。

按穀梁子曰。貫之盟。管敬仲言於桓公。江黃遠齊而近楚。楚為利之國也。若伐而不能救。則無以宗諸侯矣。桓公不聽。遂與之盟。管仲死。楚伐江滅黃。桓公不能救。故君子閱之也。遠國慕義。背夷即華。所謂出自幽谷。遷于喬木。春秋之所取也。被兵城守。更歷三時。告命已至。而援師不出。則失救患分。災攘夷狄。安與國之義矣。滅弦滅溫。皆不書伐。滅黃而書伐者。罪桓公既與會盟。而又不能救也。

**音註**

背音佩。被皮寄反。援去聲。

春秋卷之十一

春秋卷之十二

僖公中

癸襄王十有二年

齊桓三十八。晉惠三。衛文十四。蔡穆二十七。鄭文二十五。

曹共五。陳宣四十五。卒杞成七。宋襄三。秦穆十二。楚成二十四。

春。王三月。庚午。日有食之。

夏。楚人滅黃。

春秋滅人之國。其罪則一。而見滅之君。其例有三。以歸者。既無死難之節。又無克復之志。貪生畏死。甘就執辱。其罪為重。許斯頓牂之類是也。出奔者。雖不死於社稷。有與復之望焉。託於諸侯。猶得寓禮。其罪為輕。弦子溫子之類是也。若夫國滅死於其位。是得正而斃。

春秋僖公中

卷十二

篇譜查鑄



焉者矣。於禮為合。於時為不幸。若江黃二國是也。其書滅者。見夷狄之強。罪諸夏之弱。責方伯連帥之不修其職。使小國賢君困於強暴。不得其所。公羊子所謂亡國之善詞。上下之同力。**音註** 難乃旦反。牂作郎反。猶得寓禮者也。毗祭反。見音。禮記郊特牲。諸侯不臣寓公。斃現帥去聲。

秋七月

冬十有二月丁丑陳侯杵臼卒 **音註** 宣公卒子

**甲** 襄王五年十有三年 **音註** 齊桓三十九 晉惠四 衛文十

曹共六 陳穆公欵元年 杞成八 鄭文二十六 宋襄四 秦穆十三 楚成二十五

春秋侵衛

齊桓公為陽穀之會。是肆于寵樂。其行荒矣。楚人伐黃而救兵不起。是忽于簡書。其業怠矣。然後狄人窺伺中國。今年侵衛。明年侵鄭。近在王都之側。淮夷亦來病杞。而不可也。伯益戒於舜曰。無怠無荒。四夷來王。此至誠無息。帝王之道。春秋之法也。齊桓晉文若此類者。其事則直書于策。其義則游聖門者。默識於言意之表矣。故曰仲尼之徒。無道桓文之事者。 **音註** 樂音洛。行去聲。何斯義反。

夏四月葬陳宣公

公會齊侯宋公陳侯衛侯鄭伯許男曹伯于鹹

**音註** 鹹衛地。兵車之會二

秋九月大雩



春秋

冬公子友如齊

**乙**襄王十有四年齊桓四十四。晉惠王。衛文十四。蔡穆二十九。卒。鄭文二十七。

曹共七。陳穆二。杞成九。宋襄五。秦穆十四。楚成二十六。

春諸侯城緣陵音註緣陵。杞邑。不序諸侯散

夫者。不係之君之辭也。但曰大

齊桓公城三國。而書詞不同。城楚丘。則沒諸

侯而不書。城緣陵。則書諸侯而不序。城邢。則

再序三國之師。何也。邢以自遷為文。故再列

三師。而書城邢者。美其得救。患分災之義。無

封國之嫌也。淮夷病杞。諸侯會于鹹。城緣陵

而遷杞焉。則其事專矣。故前目後凡。直書諸

侯而不序也。衛為狄滅。東徙渡河。野處曹邑。

桓公使公子無虧。戍以甲士。歸其祭服。乘馬。

凡為國之用。其力尤勤。其功尤大。其事尤專。

而春秋責之尤重。曰城楚丘。而不書諸侯。正

王法也。是故以功言之。則楚丘為大。以義言

之。則城邢為美。春秋之法。明其道。不計其功。

正其義。不謀其利者也。詳著城邢之師。而深

沒楚丘之迹。貴王賤霸。羞稱桓文。以正待人

之體也。明此則知曾西不音註乘繩。証反。

為管仲深畏仲由之說矣。**夏六月。季姬及鄆子遇于防。使鄆子來朝。**

春秋內女適人者。明有所從。則係諸國。若杞

春秋

僖公中

卷十二

三



春利

有孟光之德。有伯鸞之賢。變而不失禮之正。則猶可矣。不然。非所以為愛而厚其別也。故稱及。稱遇。稱使。罪魯與鄆。以正男女之禮。為後世戒也。

秋八月辛卯沙鹿崩 **音註** 沙鹿山名

沙鹿。晉地也。卜偃曰。期年必有大咎。國幾亡。詩稱百川沸騰。山豕率崩。言西周之將亡也。書沙鹿崩於前。書獲晉侯於後。雖不指其事。應而事應具存。此春秋畏物之反常為異。使人恐懼修省之意。也。其垂戒明矣。 **音註** 應去聲

狄侵鄭

冬蔡侯盼卒 **音註** 穆侯卒。子莊公甲午立

丙子襄王七年十有五年 齊桓四十一。晉惠六。衛文十五。蔡莊公甲午元年。鄭文二

十八。曹共八。陳穆三。杞成十。宋襄六。秦穆十五。楚成二十七

春王正月公如齊

楚人伐徐 **音註** 楚至伐徐。伯事可知矣

三月公會齊侯 桓 宋公 襄 陳侯 穆 衛侯 文 鄭伯

文 許男 僖 曹伯 共 盟于牡丘 遂次于匡 **音註** 牡丘

齊地。與匡近。匡。衛地。○兵車之會三

公孫敖帥師及諸侯之大夫救徐

楚都于郢。距徐亦遠。而舉兵伐徐。暴橫憑陵之罪著矣。徐在山東。與齊密邇。以封境言之。不可以不速救。以形勢言之。非有餽糧越險之難也。今書盟于牡丘。見諸侯救患之不協。



春秋

矣。書次于匡。見霸主號令之不嚴矣。書大夫帥師而諸侯不行。見桓德益衰而禦夷狄安中國之志怠矣。凡兵而書救。未有不善之也。救而書次。則尤罪其當速而故緩。失用師之義矣。中庸曰。至誠無息。不息則久。春秋謹始卒。欲有國者敦不息之誠也。始勤而終怠。則不能久而無音註。橫去。以固其國矣。

夏五月。日有食之。

音註。不書朔與日。官失之也。

秋七月。齊師曹師伐厲。

音註。厲。楚與國。

八月。螽。

九月。公至自會。

音註。桓公之會不至。至此始書。桓德衰矣。

季姬歸于鄆。

已卯晦。震夷伯之廟。

音註。夷伯。魯大夫展氏之祖父。夷。謚。伯。字。

震者。雷電擊夷伯之廟也。不曰夷伯之廟。震而曰震夷伯之廟者。天應之也。天人相感之際。微矣。夷伯者。魯大夫也。大夫既卒。不名。穀梁以爲。因此見天子至于士。皆有廟。天子七廟。諸侯五。大夫三。士二。故德厚者流光。德薄者流卑。是以貴始德之本也。始封必爲祖。

冬。宋人伐曹。

楚人敗徐于婁林。

音註。婁林。徐地。病徐也。

十有一月。壬戌。晉侯。

音註。惠。及秦伯。

音註。穆。戰于韓。獲晉。

侯。

音註。韓。晉地。秦始見經。此晉秦兵交之始。是故晉秦兵交始於韓。而終於十三國。

之。

春秋僖公中

卷十二

五

崑崙山



秦伯伐晉而經不書伐專罪晉也獲晉侯以歸而經不書歸免秦伯也書伐書及者兩俱有罪而以及為主書獲書歸者兩俱有罪而怒鄰而怒秦伯也然則秦戰義乎春秋無義戰彼善於此則有之矣其不言師敗績何也君獲不言師敗績君重於師也大夫戰而見獲必書師敗績師與大夫敵也君為重師次之大夫敵春秋之法也與孟子之言何以異孟子為時君牛羊用人莫之恤也故以民為貴君為輕春秋正名定分為萬世法故以君為重師次之堯以天下命舜舜亦以命禹必稱元后為先此經世大常而仲尼蓋祖述之也惟此義不行然後叛逆之黨有託以為民輕棄君親而不顧者矣

丁丑襄王八年十有六年齊桓四十二晉惠七衛文十六蔡莊二鄭文二十九曹共

九陳穆四杞成十一宋襄七秦穆十六楚成二十八

春王正月戊申朔隕石于宋五音註隕公羊作

是月六鷁退飛過宋都音註鷁鳥名五歷反穀

隕石自空凝結而隕也退飛有氣逆驅而飛也石隕鷁飛而得其數與名在春秋時凡有國者察於物象之變亦審矣此宋異也何以書于魯史亦見當時諸國有非所當告而告者矣何以不削乎聖人因災異以明天人感應之理而著之於經垂戒後世如石隕于宋而書曰隕石此天應之也和氣致祥乖氣致異人事感於下則天變應於上苟知其故恐懼修省變可消矣宋襄公以亡國之餘欲圖伯業五石隕六鷁退飛不自省其德也後五年有孟之執又明年有泓之敗天之示人顯矣聖人所書之義明矣可不察哉

僖公八年卷十二 山齋讀齋錄



三月壬申公子季友卒

季者其字也。友者其名也。大夫卒而書名則曷為稱字。聞諸師曰：春秋時魯卿有生而賜氏者，季友仲遂是也。生而賜氏者何？命之為世卿也。季子忠賢在僖公有翼戴之勤，襄仲弑逆在宣公有援立之力。此二君者不勝私情，欲以異賞報之也。故皆生而賜氏，俾世其官。經於其卒，各以氏書者，誌變法亂紀之端，貽權臣竊命之禍，其垂戒遠矣。

夏四月丙申鄆季姬卒

內女嫁於諸侯則尊同，尊同則記其卒。記其卒則必記其葬。然而有不記者，此筆削之旨。非可以例求者也。宋伯姬在家為淑女，既嫁為賢婦，死於義而不回。此行之超絕卓異者，既書其葬，又載其諡。僖公鍾愛季姬，使自擇配。季姬不能自克，以禮恃愛而行，雖書其卒。

因奪其葬，所以謹夫婦之道。正人倫之統，明王教之始也。以此防民，猶有嫁殤立廟舉朝素衣，親臨祖載，如魏明帝之厚其女者。

**音註**

尊同則記其卒。本穀梁云：行去聲。

秋七月甲子公孫茲卒

冬十有二月公會齊侯宋公襄陳侯穆衛侯文

鄭伯文許男僖邢侯曹伯共于淮音註淮臨淮郡左右

兵車之會四

戊襄王九年十有七年齊桓四十三卒。晉惠八。衛文

十。陳穆五。杞成十二。宋襄八。秦穆十七。楚成二十九。

春齊人徐人伐英氏音註英氏楚之與國。臯陶之後也。

春秋僖公中 卷十二 七 崑崙山



夏滅項音註

項國名子爵。公猶在會而師滅項非公命也。此失兵權之漸。

按左氏淮之會。公有諸侯之事。未歸而取項。以爲桓公滅之。孰信乎。考於經。未有書外滅。而不言國者。如齊師滅譚是也。亦未有書內取而直言魯者。如取鄆取邾取郚是也。由此知項爲魯滅無疑矣。然聖人於魯事。有君臣之義。凡大惡必隱避其辭。而爲之諱。今此滅項。其惡大矣。曷不諱乎。曰。事有隱諱。臣子施之於君父者也。故成公取鄆。襄公取邾。昭公取鄆。皆不言滅。而書取。程氏以爲在君則當諱是也。若夫滅項。則僖公在會。季孫所爲耳。執政之臣。擅權爲惡。而不與之諱。此春秋尊君抑臣。不爲朋黨比周之意也。

秋。夫人姜氏會齊侯于卞音註

卞魯地。

九月。公至自會音註

公既見執于齊。猶以會致者。諱之也。

冬。十有二月。乙亥。齊侯小白卒。

巳襄土十有八年

宋襄九。齊孝公昭元年。晉惠九。衛文十八。蔡莊四。鄭文三。

十一。曹共十一。陳穆六。杞成十三。秦穆十八。楚成三十。

春。王正月。宋公曹伯衛人邾人伐齊。

夏。師救齊。

五月。戊寅。宋師及齊師戰于廩丘。齊師敗績音註

廩齊地。言彥讞三音。

狄救齊音註

救四公子之徒。

春秋僖公中

卷十二

八

山嵐齋書齋



伐齊之喪。奉少奪長。其罪大。故其責詳。書師救齊者。善魯也。救者善。則伐者惡矣。凡書救者。未有不善之也。書狄救齊者。許狄也。許夷狄。則罪諸夏矣。許之曷為不稱人。深著中國諸侯之罪也。凡伐者為客。受伐者為主。今齊人受伐。以宋為主者。曲在宋也。凡師直為壯。曲為老。書齊師敗績者。責齊臣也。或曰。桓公管仲。嘗屬孝公於宋。襄公以為世子矣。則何以不可立乎。曰。不能制命。雖天王欲撫鄭伯。以從楚。春秋猶以大義裁之。而不與也。桓公君臣。乃欲以私愛亂長幼之節。其可哉。獨不見宣王與仲山甫爭魯侯戲。括之事。其後如之何也。春秋深罪宋公。大義明矣。

**音註**

少去聲。長上聲。下同。屬章欲反。

秋八月丁亥葬齊桓公

桓公九合諸侯。不以兵車。威令加乎四海。幾於改物。雖名方伯。實行天子之事。然而不能

慎終如始。付託非人。柩方在殯。四鄰謀動其國家。而莫之恤。至於九月而後葬。以此見功利之在人淺矣。春秋明道正義。不急近功。不規小利。於齊桓晉文之事。有所貶而無過褒。以此音註。幾平聲。

冬。邾人狄人伐衛音註

狄稱人之始

狄稱人。進之也。慕義而來。進之可也。以夷狄伐衛。而進之可乎。伐衛所以救齊也。衛嘗亡滅。東徙渡河。無所控告。齊桓公攘戎狄而封之。使衛國忘亡。誰之賜也。桓公方沒。不念舊德。欲厚報之。遽伐其喪。亦太甚矣。以直報怨。聖人之公也。以怨報怨。天下之私也。以德報怨。寬身之仁也。以怨報德。刑戮之民也。至是人理亡矣。桓公攘夷狄。安中國。免民於左衽。諸侯不念其賜。而於衛為尤。先書狄救齊。以著中國諸侯之罪。再書狄人伐衛。所以見救



春秋

齊之善功近而德遠矣

**音註** 衽而審反。見音現

庚襄王十有九年宋襄十。齊孝二。晉惠十。衛文十九。蔡莊五。鄭文三十。

辰一年二。曹共十二。陳穆九。杞成十。秦穆十九。楚成三十一。

春王三月宋人執滕子嬰齊音註也。宋襄公圖

伯。執之是非決於稱人與稱爵。而見執者則以名與不名知其罪之在也。經書見執於人者悉皆不名。而滕子獨名。是亦有罪焉。爾夫以齊桓之盛。九合諸侯。不以兵車。雖江黃遠國。猶相繼來盟。而滕介齊宋之間。不與衣裳之會者。三十有七年。及宋襄繼起。又不尊事人國。其見執則有由矣。書名著其罪也。苟為有罪。其見執固宜。宋何以稱人。不得為伯討乎。

執雖以罪不歸于京師則稱人惡其專也音註歸于京師而執非其罪則稱人惡其濫也音註

**註** 介側畔也。與音預。惡去聲。下同。

夏六月宋公曹人邾人盟于曹南音註曹雖與

不肯服故不以國地而曰曹南

鄆子會盟于邾音註不及曹南之盟。鄆乃會之於邾

已酉邾人執鄆子用之音註鄆雖失大國會盟之信。然宋用之為

罰已重故直書用之言。若畜牲見其慘酷也

秋宋人圍曹

盟于曹南。口血未乾。今復圍曹者。討不服也。愛人不親。反其仁。治人不治。反其智。襄公不



能內自省德而急於合諸侯執嬰齊非伯討  
不足以示威盟曹南非同志不足以示信卒  
於兵敗身傷不知反求諸已欲速見小利之  
過也漢景削七國而吳楚叛東都疾橫議而  
黨錮與唐文宗切於除姦而訓注用故子夏  
為莒父宰問政子曰無欲速無見小利欲速  
則不達見小利則大事不成經書襄公不越  
數端而知其操心之若此者仲尼筆削推見  
至隱如化工賦像并其情不得遯焉非特畫  
筆之肖其形耳故春秋者化工也非畫筆也

**音註**

乾音干復扶又反治  
平聲下去聲橫去聲

衛人伐邾

冬會陳人

穆蔡人

莊楚人

成鄭人

文盟于齊

**註**

楚始與夏盟書法如  
盟幽翟泉謹始也

盟會皆君之禮也微者盟會不志於春秋凡  
所志者必有君與貴大夫居其間也然則為  
此盟者乃公與陳蔡楚鄭之君或其大夫矣  
曷為內則沒公外則人諸侯與其大夫諱是  
盟也楚人之得與中國會盟自此始也莊公  
十年荆敗蔡師始見於經其後入蔡伐鄭皆  
以號舉夷狄之也僖公元年改而稱楚經亦  
書人於是乎浸強矣然終桓公世皆止書人  
而不得與中國盟會者以齊修伯業能制其  
強故也桓公既沒中國無伯鄭伯首朝于楚  
其後遂為此盟故春秋沒公人陳蔡諸侯而  
以鄭列其下蓋深罪之也又二年復盟于鹿  
上至會于孟遂執宋公以伐宋而楚於是乎  
大張列位於陳蔡之上而書爵矣聖人書此  
豈與之乎所以著夷狄之強傷中國之衰莫  
能抗也故深諱此盟一以外夷狄二以惡諸  
侯之失道三以

**音註**

與音預見音現復  
扶又反惡去聲



梁亡音註

梁嬴姓伯爵伯翳之後也

陸淳曰秦肆其暴取人之國沒而不書其義安在曰乘人之危惡易見也滅人之國罪易知也自取亡滅者其事微矣春秋之作聖人所以明微也梁本侯國魚爛而亡何哉易曰天行健君子以自強不息古者諸侯朝修其禁令晝攻其國職夕省其典刑夜儆其百工無使愒淫而後即安故克勤于邦荒度土功者禹也慄慄危懼檢身若不及者湯也自朝至于日中昃不遑暇食用咸和萬民者文王也凡有國家者土地雖廣人民雖衆兵甲雖多城郭雖固而不能自強於政治則日危月削如火消膏以至滅亡而莫覺也而况好土功輕民力湏於酒淫於色心昏而出惡政者乎其亡可立而待矣

音註

易去聲下

同愒音韜慢也

辛襄王二十二年

宋襄十一年齊孝三晉惠十一年衛文二十蔡莊六鄭文三十

三曹共十三陳穆八杞成十五秦穆二十楚成三十二

春新作南門

言新者有故也言作者創始也其曰南門者南非一門也庫門天子臯門雉門天子應門書新作南門譏用民力於所不當為也魯人為長府閔子騫曰仍舊貫如之何何必改作孔子曰夫人不言言必有中春秋凡用民力得其時制者猶書于策以見勞民為重事而况輕用於所不當為者乎然僖公嘗修泮宮復闕宮矣奚斯董其役史克頌其事而經不書者宮廟以事其祖考學校以教國之子弟二者為國之先務雖用民力不可廢也其垂教之意

音註

見音深矣



春秋

夏郟子來朝

郟音告 姬姓

五月乙巳西宮災

鄭人入滑

滑音浩 姬姓

秋齊人狄人盟于邢

冬楚人伐隨

隨音浩 姬姓

二十有一年

宋襄十二 齊孝四 晉惠

七年 鄭文二十四 曹共十四 陳穆九 杞成十六 秦穆二十一 楚成三十三

春秋侵衛

宋人

襄齊人

孝楚人

成盟于鹿上

音註

鹿上齊

地宋為

盟主故序齊上

夏大旱

秋宋公楚子陳侯蔡侯鄭伯許男曹伯會于孟

執宋公以伐宋

孟音于 楚始書子 宋楚相爭也 不言楚執宋公

不以夷狄執中國之辭也

執宋公者楚子也何以不言楚子執之分惡於諸侯也諸侯皆在會而蠻夷執其會主拱手以聽而莫之敢違其不勇於為義亦甚矣故特列楚子於陳蔡之上而以同執為文夫以楚之強豈能勝秦五國之眾何弱於趙然澠池之會藺相如一奮其氣威信敵國秦雖虎狼猶不敢動况以五國之君而不能得志於荆楚乎宋以乘車之會往而楚伏兵車以

春秋

僖公中

卷十二

十三

崑崙齋鑄



執之則宋直楚曲其義已明雖以匹夫自反而縮猶不可恥矧南面之君也哉然春秋為賢者諱宋公見執不少隱之何也夫盟主者所以合天下之諸侯攘戎狄尊王室者也宋公欲繼齊桓之烈而與楚盟會豈攘戎狄尊王室之義乎故人宋公於鹿上之盟而孟之會直書其事而不隱所以深貶之也

**音註**

繩音緬信音伸乘

冬公伐邾

楚人使宜申來獻捷

**音註**

楚大夫始見經

不曰來獻宋捷為魯諱也諸侯從楚伐宋而魯獨不與故楚來獻捷以脅魯為魯計者拒其使而不受可也請於天王而討之可也宋公先代之後作賓王家方修盟會而伏兵車執之於壇坫之上又以軍獲遺獻諸侯其橫逆甚矣拒其使而不受聲其罪而致討不患

無詞魯於是時會不能申大義以攘荆楚尊中國故不曰宋捷特為魯諱之也

**音註**

為于偽反與音預橫去聲

十有二月癸丑公會諸侯盟于薄釋宋公

**音註**

會不書其所為獨會于稷書成宋亂者為受郟鼎立華督也會于澶淵言宋災故者為葬蔡侯不討般也盟不書所為而盟于薄言釋宋公者宋方主會而蠻夷執而伐之以其俘獲來遺是夷狄反為中國主禽獸將逼人而食之矣此正天下大變春秋之所謹也魯既不能申大義以抑其強暴使宋公見釋出自天王與中國而顧與歃血要言求楚子以釋之是操縱大權自蠻夷出其事已慎甚矣故書會書盟書釋皆不言楚子為魯諱以深貶

主會坊本盟作主



春秋

之也。穀梁謂不與楚專釋是已。**音註** 受郟鼎

或以為嘉我公之救患誤矣。事見桓公二年。葬蔡侯。不討般。事見襄

公二十年。般音班。要於遙反。慎都田反。**未** 襄王二十有二年。宋襄十三。齊孝五。晉惠

成十七。秦穆二十二。楚成三十四。陳穆十。杞

**春。公伐邾。取須句。****音註** 須句。魯附庸國。在東平

義利之辨。苟以為利。一以取書之。是故邾滅須

句。雖莒著丘公立而不撫。鄆。鄆叛而來。書取鄆焉。

按左氏。須句。風姓。實司太皞。與有濟之祀。邾人滅之。須句。子來奔。因成風也。公伐邾。取須句。而反其君焉。審如是。固得崇明祀。保小寡之禮。何以書取乎。不請於王命。而專為母家

報怨。謀動干戈於邦內。擅取人國。而反其君。是以亂易亂。非所以為禮也。與收奪者無以

異矣。**音註** 皞。胡老反。濟。子禮反。為。于

夏。宋公衛侯許男滕子伐鄭

秋。八月丁未。及邾人戰于升陘。**音註** 升陘。魯地。

邾人以須句。故出師。公卑邾。不設備。戰于升陘。我師敗績。邾人獲公胃縣。諸魚門。記稱邾婁復之。以矢。蓋自戰于升陘。始也。魯既敗績。邾亦幾亡。輕用師。徒害及兩國。亦異於誅暴。禁亂之兵矣。故諱不言。公而書及。內以諱為貶。

冬。十有一月己巳朔。宋公及楚人戰于泓。宋師

敗績。**音註** 泓。水名。宋伐鄭。楚救之。故戰敗宋。

春秋 僖公中 卷十二 十五 山齋齋齋齋



泓之戰。宋襄公不阨人於險。不鼓不成列。先  
儒以爲至仁大義。雖文王之戰。不能過也。而  
春秋不與。何哉。物有本末。事有終始。順事恕  
施者。王政之本也。襄公伐齊之喪。奉少奪長。  
使齊人有殺無虧之惡。有敗績之傷。此晉獻  
公之所以亂其國者。罪一也。桓公存三亡國。  
以屬諸侯。義士猶曰薄德。而一會虐二國之  
君。罪二也。曹人不服。盍姑省德。無闕然後動。  
而與師圍之。罪三也。凡此三者。不仁非義。襄  
公敢行。而獨愛重。傷與二毛。則亦何異盜跖  
之以分均。出後爲仁義。陳仲子以避兄離母  
居於陵。爲廉乎。夫計未遺本。飾小名。妨大德。  
者。春秋之所惡也。故詞繁不音註長。展兩反。  
殺。而宋公書及。以深貶之也。音註於音烏惡。  
去聲。殺。去聲。

甲申

襄王十

二十有三年

宋襄十四卒。齊孝六。晉  
惠十四。衛文二十三。蔡

莊九。鄭文三十六。曹共十六。陳穆十一。  
杞成十八。卒。秦穆二十三。楚成三十五。

春。齊侯伐宋。圍緡。

音註

緡。宋邑。

齊。霸國之餘業也。宋襄公既敗于泓。荆楚之  
勢益張矣。齊侯既無尊中國。攘夷狄。恤災患。  
畏簡書之意。又乘其約而伐之。此尤義之所  
不得爲者也。故書伐國而言圍邑。以著其罪。  
然則桓公伐鄭。圍新城。何以不爲貶乎。鄭與  
楚合。憑陵中國。桓公伐之。攘夷狄也。宋與楚  
戰。兵敗身傷。齊侯伐之。殘中夏也。其事異矣。美惡不嫌。同詞。音註桓公伐  
城事見。六年。

夏五月庚寅。宋公茲父卒。

音註

襄公卒。子成  
公王臣立。

秋。楚人伐陳。

春秋僖公中

卷十二

十六

山篇譜查鑑



冬十有一月杞子卒

**音註** 成公卒弟桓公姑容立

按左氏杞成公卒書曰子者成公始行夷禮終其身故仲尼於其卒以文貶之此說是也或曰信斯言是春秋黜陟諸侯爵次以見褒貶不亂名實乎曰春秋固天子之事也而尤謹於華夷之辨中國之所以為中國以禮義也一失則為夷狄再失則為禽獸人類滅矣魯桓篡弒滕首朝之貶而稱子治其黨也夷不亂華成公變之貶而稱子存諸夏也

**乙酉** 襄王二十有四年

齊孝七晉惠十五卒衛文二十四蔡莊十鄭文

三十七曹共十七陳穆十二杞桓公姑容元年宋成公王臣元年秦穆二十四楚成三十六

春王正月

夏狄伐鄭

秋七月

冬天王出居于鄭

按左氏鄭人入滑王為滑請鄭不聽命王怒使頹叔出狄師伐鄭而德狄人立其女隗氏為后富辰諫不聽大叔帶通于隗氏王絀狄女頹叔懼狄之怨已遂奉叔帶以狄師攻王王適鄭處于汜自周無出特書曰出者言其自取之也夫鄭伯不王固有罪矣襄王不知自反念其制命之未順也忍小忿睚懿親以扞外侮而棄德崇姦遂出狄師是用夷制夏如木之植拔其本也不亦慎乎王者以天下為家京師為室而四方歸往猶天之無不覆也東周降于列國既不能家天下矣又毀其室而不保則是寄生之君耳貶而書出以為



春秋

後戒唐資突厥之兵以伐隋而世有戎狄之禍晉藉契丹之力以取唐而卒有播遷之辱許翰以謂不講於春秋戒襄王之所以出其言信矣而華夷之辨可不謹夫居者宅其所

晉侯夷吾卒

丙襄王二十有五年晉文公重耳元年齊孝

桓二宋成二秦穆二十五楚成三十七杞

春王正月丙午衛侯燬滅邢

衛侯何以名滅同姓也春秋之法諸侯不生名滅同姓則名者謂其絕先祖之裔蔑骨肉

之恩故生而書名示王法不容誅也聖人與天地合德滅人邦國而絕其祀同姓與異姓奚別焉而或名或否何也正道理一而分殊異端二本而無分分殊之弊私勝而失仁無分之罪兼愛而失義春秋之法由仁義行而人道立者也可以無差等乎然則晉滅虞楚滅夔亦同姓也曷為不名曰諸侯滅同姓則名其常也有名有不名例之變也邢雖與狄伐衛而經無譏文者為能救齊也衛人曾不反思而遷怒於邢又遣禮至昆弟往仕焉誘其守而殺之於外與虞公貪璧馬以易鄰國及其身者其情異矣春秋原情定罪而衛燬獨名蓋輕重之權衡也若荆楚則僭號稱王聖人比諸夷狄於滅夔乎何誅音註滅同姓則名者見曲禮別筆列反分扶問反下同差楚宜反晉滅虞五年楚滅夔明年

夏四月癸酉衛侯燬卒音註

文公卒子成公鄭立

春秋 僖公中 卷十二 十八 山齋齋堂鑄



宋蕩伯姬來逆婦

伯姬公女也。而配蕩氏。其往嫁不見於經者。國君不與大夫敵也。今來逆婦而史策書之。見公失禮。下主大夫之昏。是慢宗廟。卑朝廷。姑自逆婦。其失明矣。

**音註**

見音現

宋殺其大夫

秋。楚人圍陳。納頓子于頓。

**音註**

頓國名。今汝陰南頓縣是也。○

頓迫於陳。而出奔楚。故楚圍陳。以納頓子。

圍陳。納頓子也。納云者。不與納也。諸侯失國。諸侯納之。正也。何以不與乎。夫陳先代之後。不能以禮安靖鄰國。保恤寡小。中國諸侯。又不能修方伯連率之職。而使楚人納之。是夷狄仗義正諸夏也。故書曰。楚人圍陳。納頓子于頓。其責中國深矣。此亦正本自治之意也。

**音註**

率去聲

葬衛文公

冬。十有二月。癸亥。公會衛子莒慶盟于洮。

**音註**

洮魯地

**二十有六年**

晉文二。齊孝九。衛成公。鄭元年。蔡莊十二。鄭文

三十九。曹共十九。陳穆十四。杞桓三。宋成三。秦穆二十六。楚成三十八。

春。王正月。己未。公會莒子衛甯速盟于向。

**音註**

向莒地

齊人侵我西部。公追齊師至鄆。弗及。

**音註**

鄆齊地。尸

春秋

僖公中

卷十二

十九

尚齋堂



圭反。濟北穀城縣。西有鄆下是也。

書人書侵書師。罪齊也。書追書至鄆弗及。罪魯也。潛師入境曰侵。少則稱人。衆則稱師。前其衆以邀魯也。其弱以誘魯也。後書齊師。是伏內則譏其不預。追戎于濟西是也。在境外則譏其深入。追齊師至鄆是也。鄆者齊地。言遠也。弗者遷辭也。有畏而弗敢及之也。齊魯皆私憤之兵而非正也。故交譏之。

註見音現。諼許元反。濟子禮反。

音

夏齊人伐我北鄙

音註

此齊侯也。其稱人何。自隱以來。以兵加我。君大

夫將皆書人。君將書君。自文十五年齊懿公始。大夫將書大夫。自齊高厚始。訖春秋。惟邾及莒人書。

衛人伐齊

公子遂如楚乞師

音註

書乞師始此。內乞師不書。書乞師于楚。以誌中

國之屈於夷狄也。

衛人報德以怨。伐齊之喪。助少陵長。又遷怒於邢。而滅其國。不義甚矣。公既與其君盟于洮。又與其臣盟于向。是黨衛也。故齊人既侵其西。又伐其北。齊師固亦非義矣。而僖公不能省德。自反。深思遠慮。計安社稷。乃乞楚師。與齊為敵。是以蠻夷殘中國也。於義可乎。其書公子遂如楚乞師。而惡自見矣。

音註

少去聲。長展兩反。見音現。

秋楚人滅夔以夔子歸

音註

夔楚同姓國。

春秋滅國。以其君歸。無有不名者。而夔何以獨不名。按左氏。夔子不祀。祝融與鬻熊。楚人

春秋僖公中

卷十二

二十

山嵐齋書齋



讓之對曰我先君熊摯有疾鬼神弗赦自竄于夔是以失楚又何祀焉諸侯之祀無過其祖者而夔祖熊摯是不得祀祝融與鬻熊也而楚反以是滅之非其罪矣故特存其爵而不名也然則楚滅同姓何以不名

**音註**

先君熊摯

人而不名春秋待夷狄之體也故云熊摯乃夔始封之祖竄七亂反

冬楚人伐宋圍緡

**音註**

緡宋地

公以楚師伐齊取穀公至自伐齊

**音註**

穀齊邑

楚強魯弱而能用其師進退在已故特書曰以以者不以者也夫背華即夷取人之邑為已有失正甚矣患之起必自此始其致危之也

春秋卷之十二

春秋卷之十三

僖公下

二十有七年

晉文三齊孝十卒衛成

子九年 曹共二十 陳穆十五 杞桓四 宋成四 秦穆二十七 楚成三十九

春杞子來朝

夏六月庚寅齊侯昭卒

**音註**

昭公卒弟昭公潘立

秋八月乙未葬齊孝公

乙巳公子遂帥師入杞

冬楚人陳侯蔡侯鄭伯許男圍宋

**音註**

楚序諸侯上而

春秋僖公下

卷十三

一

崑崙山



稱人嫌予  
楚以伯也

### 十有二月甲戌公會諸侯盟于宋

楚稱人貶也。宋公先代之後，作賓王家，非有篡弑之惡。楚人無故，樓諸侯以圍之，何名也？故黜而稱人，以著其罪。諸侯信夷狄，伐中國，獨無貶乎？人，楚子所以人諸侯也。公與楚結好，故往會盟，其地以宋者，宋方見圍，無嫌於與盟，而公之罪亦著矣。

**音註**

信音申，好音預。

巳襄王二十有八年

晉文四，齊昭公，潘元年，衛成三，蔡莊十四，鄭文

四十一，曹共二十一，陳穆十六，卒，杞桓五，宋成五，秦穆二十八，楚成四十

### 春晉侯侵曹晉侯伐衛

**音註**

此至踐土，凡五書

晉侯予晉以霸也

按左氏：初，公子重耳之出亡也，曹衛皆不禮焉。至是，侵曹伐衛，再稱晉侯者，譏復怨也。春秋之時，用兵者非懷私復怨，則利人土地耳。詩云：百爾君子，不知德行，不忮不求，何用不臧。不忮，則能懲忿；不求，則能窒慾。然後貪憤之兵亡矣。或曰：曹衛背華，即夷。於是乎致武，奚為不可？曰：楚人搜諸侯以圍宋，陳蔡鄭許舉兵而同會，魯公與會而同盟，楚雖得曹，新昏於衛，然其君不在會，其師不與圍，以方諸國，不猶愈乎？又况衛已請盟，而晉人弗之許也。書曰：必有忍，其乃有濟。有容，德乃大。文公能忍於奄豎里息，須矣。何獨不能忍於曹衛乎？再稱晉侯者，甚之也。下書楚人救衛，則譏晉深矣。春秋責備賢者，而樂與人改過。責備賢者，故再稱晉侯。樂與人改過，故衛已請盟，不當拒而絕之也。

**音註**

重直龍反，行去



春秋

聲伎之鼓  
反樂音洛

公子買戍衛不卒戍刺之

**音註**

○公子買魯大夫皆

刺書

按左氏買為楚戍衛楚人救衛不克公懼於  
晉殺買以說焉謂楚人曰不卒戍也內殺大  
夫稱刺者若曰刺審其情與眾棄之而專殺  
之罪則一耳周官有三刺一刺曰訊羣臣再  
刺曰訊羣吏三刺曰訊萬民刺未有書其故  
者而以不卒戍刺之則知買為無罪矣孟子  
曰無罪而殺士則大夫可以去無罪而戮民  
則士可以徙今乃殺無罪之主將以苟說於  
強國於是乎不君矣故  
特書其故以貶之也

**音註**

將去  
聲

楚人救衛

三月丙午晉侯入曹執曹伯畀宋人

**音註**

也畀與

宋怒楚  
使戰也

古者覲文匿武修其訓典序成而不至於是  
乎有攻伐之兵故孟子謂萬章曰子以為有  
王者作將比今之諸侯而誅之乎其教之不  
改而後誅之乎曹伯嬴者未狎晉政莫知所  
承晉文不修詞令遽入其國既執其君又分  
其田暴矣欲致楚師與之戰而以曹伯畀宋  
人譎矣雖一戰勝楚遂主夏盟舉動不中於  
禮亦多矣徒亂人上下之分無君臣之禮其  
功雖多道不足尚也故曰五伯三王  
之罪人仲尼之徒無道桓文之事者  
聲分扶  
問反

夏四月己巳晉侯齊師宋師秦師及楚人戰于

春秋

僖公下

卷十三

三

崑崙山



城濮楚師敗績

音註

城濮衛地

楚稱人貶也。戰而言及。主乎是戰者也。當是時。晉師避楚三舍。請戰者得臣也。而經之書及。何以在晉。得臣雖從晉師。然初告於晉曰。請復衛侯而封曹。臣亦釋宋之圍。是未有必戰之意也。及先軫獻謀。許曹衛以攜其黨。拘宛春以激其怒。而後得臣之意決矣。故楚雖請戰。而及在晉侯。誅其意也。荆楚恃強。憑陵諸夏。滅黃而霸。主不能恤。敗徐于婁林。而諸大夫不能救。執中國盟主。而在會者不敢與之爭。今又戍穀逼齊。合兵圍宋。戰勝中國。威動天下。非有城濮之敗。則民其被髮左衽矣。宜有美辭稱揚其績。而春秋所書如此。其畧何也。仁人明其道。不計其功。正其義。不謀其利。文公一戰勝楚。遂主夏盟。以功利言。則高矣。語道義。則三王之罪人也。知此說。則曾西不為管仲。而仲尼孟子雖老于行。而不悔其

有以夫

楚殺其大夫得臣

按左氏。晉師既克曹衛。楚子入居于申。使申叔去穀。使子玉去宋。曰。晉侯在外十九年。而果得晉國。險阻艱難。備嘗之矣。民之情偽。盡知之矣。天假之年。而除其害。其可廢乎。子玉使伯棼請戰。楚子怒。少與之師。惟西廣。東宮。與若敖之六卒。實從之。而不止也。子玉從晉師。文公退三舍。辟之。楚眾欲止。子玉不可。戰于城濮。楚師敗績。夫得臣信有罪矣。而楚子知其不可敵。不能使之勿敵。而少與之師。又以其一敗殺之。是以師為重。而棄其將。以與之也。是晉再克而楚再敗也。故稱國以殺而不。去其官。以仲尼書鄭棄其師。與楚殺得臣之事。觀之。可為來世之永鑒矣。

音註

將去聲



衛侯出奔楚

諸侯失國出奔。未有不名者。衛侯何以不名著文公之罪也。衛侯失守社稷。背華即夷。於文公何罪乎。衛之禍。文公為之也。初。齊晉盟于斂孟。衛侯請盟。晉人不許。是塞其向善之心。雖欲自新改轍。而其道無由也。高帝一封雍齒。而功臣不競。世祖燒棄文書。而反側悉安。使文公釋怨。許衛結盟。南向諸侯。棄楚而歸晉矣。忿不思難。惟怨是圖。必使衛侯棄楚而無所奔。于荆蠻。歸于京師。兄弟相殘。君臣交訟。誰之咎也。夫心不外者。乃能統大眾。智不鑿者。乃能處大事。文公欲主夏盟。取威定霸。而舉動煩擾。若不勝任者。惟鑿智自私。而心不廣也。春秋於衛侯失國出奔。不以其罪名之。而重文公之咎。蓋端本議刑。責備賢者之意也。

五月癸丑公會晉侯齊侯宋公蔡侯鄭伯衛子

莒子盟于踐土

音註 踐土 鄭地

踐土之會。天王下勞。晉侯削而不書。何也。周室東遷。所存者號與祭耳。其實不及一小國之諸侯。晉文之爵。雖曰侯伯。而號令天下。幾於改物。實行天子之事。此春秋之名實也。與其名存實亡。猶愈於名實俱亡。是故天王下勞。晉侯于踐土。則削而不書。去其實以全名。所謂君道也。父道也。晉侯以臣召君。則書天王狩于河陽。正其名以統實。所謂臣道也。子道也。而天下之大倫尚存。而不滅矣。衛侯奔楚。不書名者。未絕其位也。叔武受盟。而稱衛子者。立以為君也。此見聖人深罪晉文報怨行私。專權自恣。廢置諸侯之意。

陳侯如會

春秋僖公下

卷十三

五

崑崙齋



公朝于王所

**音註**

書朝王始此此先朝王而後

而後朝春秋不以天子與斯盟之辭也

朝不言所言所非其所也朝于廟禮也于外非禮也有虞氏五載一巡守羣后四朝周制十有二年王乃時巡諸侯各朝于方嶽亦何必于京師于廟然後為禮乎古者天子巡守于四方有常時諸侯朝于方嶽有常所其宮室道途可以預修故民不勞其共給調度可以預備故國不費今天王下勞晉侯公朝于王所則非其時與地矣自秦而後巡遊無度至有長吏以倉卒不辦被誅民庶以煩勞不給生厭蓋春秋之義不行故也然則天子在是其可以朝乎天子在是而諸侯就朝禮之變也春秋不以諸侯就朝為非而以王所非其所為貶正

**音註**

守音狩下同共音供

六月衛侯鄭自楚復歸于衛衛元咺出奔晉

**註**

元咺衛大夫

衛侯失國出奔則不名復歸得國何以名殺叔武也叔武者衛侯之弟也晉文公有憾於衛侯而不釋怨於是逐衛侯立叔武叔武辭立而他入立則恐衛侯之不得反也於是已立乎其位治反衛侯衛侯得反而疑其弟則曰叔武篡我元咺爭之曰叔武無罪衛侯不信其言終殺叔武是不念鞠子哀而以爭國為心亂民彝滅天理其為罪大矣此其所以名也元咺由是走之晉而訟其君然衛侯初歸則稱復再歸何以不稱復乎春秋立法甚嚴而待人以恕鄭之初歸雖殺叔武既名之矣猶意其或出於誤而能革也是以稱復及其再歸又殺元咺及公子瑕則是終以爭國為心長惡不悛無自艾之意矣是以不稱復

僖公下

卷十三

六

山南齋



其曰歸于衛者。易辭也。諸侯嗣。故稱復者。繼之也。不稱復者。絕之也。而國非其國矣。

陳侯欵卒 **音註** 穆公卒子

秋杞伯姬來 **音註** 莊公女歸 寧曰來

公子遂如齊

冬公會晉侯齊侯宋公蔡侯鄭伯陳子莒子邾

子秦人于溫 **音註** 溫畿內國為 狄所滅者

天王狩于河陽 **音註** 晉侯名王以諸侯見是先

後書狩者。書狩而後會。是以天子與斯會也。先書會後書狩。春秋不以天子與斯會之辭也。河

陽即溫。晉地也。

按左氏晉侯名王以諸侯見。仲尼曰。以臣名君。不可以訓。故書曰。天王狩于河陽。以尊周而全晉也。啖助謂以常禮言之。晉侯名君。名義之罪人也。其可訓乎。若原其自嫌之心。嘉其尊王之意。則請王之狩。忠亦至焉。故夫子特書狩于河陽。所謂原情為制。以誠變禮者也。夫踐土之會。王實自往。非晉罪也。故為王諱而足矣。溫之會。晉則有罪。而其情順也。故既為王諱之。又為晉解之。於以見春秋忠恕也。

壬申公朝于王所

晉人執衛侯歸之于京師

衛元咺自晉復歸于衛

其言歸之于者。執不以正之辭也。古者君臣無獄。諸侯不專殺。為臣執君。故衛侯不名而



春秋

元咺稱復大夫不世其稱復絕之也自晉者  
晉有奉焉因其力也歸者易辭以文公為之  
主故其歸無難而方伯之罪亦明  
矣是以執而稱人不得為伯討也

**音註**  
易去聲

諸侯遂圍許

諸侯比再會天子再至皆朝于王所而許獨  
不會以其不臣也故諸侯圍許按古者巡狩  
諸侯各朝于方嶽今法天子行幸三百里內  
亦皆問起居許距河陽踐土近矣而可以不  
會乎其稱遂

**音註**  
比毗至反

曹伯襄復歸于曹遂會諸侯圍許

曹伯襄何以名其歸之道非所以歸也晉侯  
有疾使其豎侯孺貨筮史曰以曹為解晉侯  
恐於是反曹伯夫以賂得國而春秋名之比  
於失地滅同姓之罪以此知聖人嚴於義利

之別以正性命之理其說行  
而天下定矣豈曰小補之哉

庚襄王二十有九年晉文五齊昭二衛成四  
蔡莊十五鄭文四十二

曹共二十二陳共公朔元年杞桓六  
宋成六秦穆二十九楚成四十一

春介葛盧來音註  
介東夷國葛盧介  
君名也介始見經

公至自圍許

夏六月會王人晉人宋人齊人陳人蔡人秦人

盟于翟泉音註  
翟泉洛陽  
城內地

按左氏公會王子虎晉狐偃宋公孫固齊國  
歸父陳轅濤塗秦小子憇盟于翟泉則皆列  
國之貴大夫與王子而公與會也其貶而稱  
人諱不書公何也翟泉近在洛陽王城之內

春秋 僖公下 卷十三 八 山圖齋堂錄



春秋

而王子虎於此下與列國盟是謂上替諸侯大夫入天子之境雖貴曰士而於此上盟王子虎是謂下陵而無君之心著矣故踐為大惡諱公而不書諸國之卿貶稱人而王子亦與焉者此正音註 愁魚 其本之義也 音註 觀反

秋大雨雹

音註

雨于付反 雹蒲學反

正蒙曰凡陰陽凝聚陽在內者不得出則奮擊而為雷霆陽在外者不得入則周旋不舍而為風和而散則為霜雪雨露不和而散則為戾氣曠霾陰常散緩受交於陽則風雨調寒暑正雹者戾氣也陰脅陽臣侵君之象當是時僖公即位日久季氏世卿公子遂專權政在大夫音註 正蒙橫渠先 萌於此矣 音註 生張子著

冬介葛盧來

辛卯襄王二十二年

三十年

晉文六齊昭三衛成五蔡莊十六鄭文四十三曹共二十

三陳共二杞桓七宋成七秦穆三十楚成四十二

春王正月

夏狄侵齊

左氏曰晉人伐鄭以觀其可攻與否狄閒晉之有鄭虞也遂侵齊詩不云乎戎狄是膺荆舒是懲四夷交侵所當攘斥晉文公若移圍鄭之師以伐之則方伯連帥之職修矣上書狄侵齊下書圍鄭此直書其事而義自見者也

秋衛殺其大夫元咺

元咺訟君為惡君歸則已出君出則已歸無人臣之禮信有罪矣則稱國以殺而不去其

春秋

僖公下

卷十三

九

山齋齋園錄



官何也。春秋之法，躬自厚而薄責於人。君子之道，譬諸射，失諸正鵠，反求諸己。衛侯之躬，無乃有闕，蓋亦省德而內自訟乎。夫稱國以殺者，君與大夫專殺之也。衛侯在外，其稱國以殺，何也？穀梁子曰：待其殺而後入也，待其殺而後入，是志乎殺，桓、瑷者也。兵莫僭於志，鎡、鄒為下，衛侯未入，稱國以殺，此春秋誅意之效也。然則大臣何與焉？從君於惡而不能止，故并音註。嗟，鄒也。罪之也。

### 及公子瑷

公子瑷未聞有罪而殺之，何也？元、咺立以為君，故衛侯忌而殺之也。然不與衛、剽同者，是瑷能拒咺，辭其位而不立也。不與陳佗同者，是瑷能守節，不為國人之所惡也。故經以公子冠瑷而稱及，見瑷無罪，事起元、咺，以咺之故，延及於瑷，而衛侯忌克專殺，濫刑之惡著矣。

矣 音註 瑷何 加反

### 衛侯鄭歸于衛

衛侯出奔于楚，則不名，見執于晉，則不名。今既歸國，復有其土地矣，何以反名之乎？不名者，責晉文公之以小怨妨大德，名之者，罪衛侯鄭之，以伎害戕本支。古者天下為公，選賢與能，不以為異，況於戚屬，豈有疑間猜忌之心哉？末世隆怨薄恩，趨利棄義，有國家者，恐公族之軋已，至網羅誅殺，無以芘其本根，而社稷傾覆，如六朝者，眾矣。衛侯始歸而殺叔武，再歸而及公子瑷，是葛藟之不若，而春秋之所惡也。故再書其名，為後世戒。此義苟行，則六朝之君，或亦少省矣。

### 晉人 文 秦人 穆 圍鄭 音註

於是秦伯私與鄭盟，戊鄭而去之，秦晉之



怨自  
此始

按左氏傳晉侯秦伯圍鄭以其無禮於晉而經書晉人秦人者貶之也於秦晉何貶乎初晉公子重耳出亡過鄭而鄭文公亦不禮焉為是與師而圍鄭孟子曰有人於此待我以橫逆則君子必自反也我必不仁無禮與不忠歟仁且有禮而忠矣其橫逆猶是也此亦妄人耳矣而君子蓋終不之校也故行有不得者皆反求諸己而已矣今鄭伯之於晉公子特不能厚將迎贈送之禮而未嘗以橫逆加之也坐此見圍為列國者不亦難乎故晉侯秦伯貶稱人者晉文以私憤勤民動眾圍人之國秦伯惟利為向背從燭之武之言不以義舉也而二國結釁連兵暴骨原野自此始矣

介人侵蕭

音註

蕭宋附庸國

音註

橫去聲下同

冬天王使宰周公來聘公子遂如京師遂如晉

音註

遂如京師魯始聘周遂如晉魯始聘晉

大夫出疆有以二事出者有以一事出而專繼事者其書皆曰遂公子遂如周及晉與祭公自魯逆王后皆所謂以二事出者也公子遂往媵而及齊宋盟則專繼事者是也非得失則存乎其事矣豕宰上兼三公其職任為至重而來聘于魯天王之禮意莫厚焉魯侯既不朝京師而使公子遂往又以二事出夷周室於列國此大不恭之罪履霜堅冰之漸春秋之所誅而不以聽者也則何以無貶乎有不侍貶絕而罪惡見者不貶絕以見罪惡

壬辰

襄王二十三年三十有一年

晉文七齊昭四衛成六

曹共二十四陳共三杞桓八宋成八秦穆三十一楚成四十三

春秋

僖公下

卷十三

十一

山齋齋堂鑄



春取濟西田音註

濟西田本魯地

公羊曰取之曹也晉侯執曹伯班其所侵地于諸侯不繫國者吾故田也復吾故田而謂之取何也春秋之法不以亂易亂

公子遂如晉

夏四月四卜郊

記禮者曰祭帝于郊所以定天位也禮行於郊而百神受職焉魯諸侯何以有郊成王以周公有大勳勞於天下命魯公世世祀周公以天子之禮樂是故魯君孟春乘大輅載弧韜旂十有二旒日月之章祀帝于郊配以后稷天子之禮也以人臣而用天子之禮可乎是成王過賜而魯公伯禽受之非也楊子曰天子之制諸侯庸節節莫差於僭僭莫重於

祭祭莫重於地地莫重於天諸侯而祀天其僭極矣聖人於春秋欲削而不存則無以志其失為後世戒悉書之乎則歲事之常有勝書者是故因禮之變而書于策或以卜或以時或以望或以牲或以牛於變之中又有變焉者悉書其事而謂言偃曰魯之郊禘非禮也周公其衰矣杞之郊也禹也宋之郊也契也是天子之事守也言杞宋夏商之後受命于周作賓王家統承先王修其禮物其得行郊祀而配以其祖非列國諸侯之比也是故天子祭天地諸侯祭社稷視嘏莫敢易其常古易則亂名犯分人道之大經拂矣故曰郊社之禮所以事上帝也宗廟之禮所以祀乎其先也明乎郊社之禮禘嘗之義治國其如視諸掌乎夫庶人之不得祭天地非欲故為不得祭社稷諸侯之不得祭天地非欲故為等衰蓋不易之定理也知其理之不可易則安於分守無欲僭之心矣為天下國家乎何



春秋

有

**音註**

羈音獨分去聲

不從乃免牲

**音註**

諸侯之有郊禘東周之僭禮也魯之郊禘惠公請之猶未

率以為常僖公始作頌以誇其盛於是四卜不從猶三望故特書以示譏

古者大事決於卜故洪範稽疑獨以龜為主卜而不從則不郊矣故免牲

猶三望

望祭也有虞氏受終而望因於類巡守而望因於柴皆天子之事也今魯不郊而望故特書曰猶猶者可以已之詞其言三望何也天子有方望無所不通諸侯非名山大川在其封內者則不祭魯得用重禮視王室則殺故望止於三比諸侯則隆故河海雖不在其封而亦祭然非諸侯之所得為也

秋七月

冬杞伯姬來求婦

蕩伯姬來逆婦而書者以公自為之主失其班列書也杞伯姬敵矣其來求婦曷為亦書見婦人之不可預國事也王后之詔命不施於天下夫人之教令不施於境中昏姻大事也杞獨無君乎而夫人主之也故特書于策以為婦人亂政之戒母為子求婦猶曰不可况於他乎此義行無呂武之禍矣

狄圍衛十有二月衛遷于帝丘

帝丘東郡濮陽顓頊之虛亦衛地也狄嘗迫逐黎侯黎侯寓于衛而衛不能修方伯連率之職戎嘗伐凡伯于楚丘而衛不能救王臣之患其後遂為狄人所滅東徙渡河矣齊桓

春秋

僖公下

卷十三

三



春秋

公攘戎狄封之而衛國忘亡。今又為狄所圍。其遷于帝丘。避狄難也。而中國衰微。夷狄強盛。衛侯不能自強於政治。晉文無却四夷安諸夏之功。莫不見矣。  
**音註** 顯音專。衛國忘亡。見僖公二年。

癸襄王二十三年。三十有二年。晉文八卒。齊昭五。衛成十四年。七。蔡莊十八。鄭文四十五。卒。曹共二十五。陳共四。杞桓九。宋成九。秦穆三十二。楚成四十四。

春。王正月。

夏。四月。己丑。齊伯捷卒。**音註** 文公卒。穆公蘭立。

衛人侵狄。

秋。衛人及狄盟。**音註** 不地者。就狄廬帳盟。

按左氏。狄有亂。衛人侵狄。狄請平焉。衛人及狄盟。其不地者。盟於狄也。再書衛人而稱及者。所以罪衛也。盟會中國諸侯之禮。衰世之事。已非春秋之所貴。況與戎狄豺狼。即其廬帳。刑牲歃血。以要之哉。

冬。十有二月。己卯。晉侯重耳卒。**音註** 晉文公卒。子襄公驪。

立。○晉襄公繼伯。

按左氏。載秦伯納晉文公。及殺懷公于高梁。其事甚詳。而春秋不書者。以為不告也。徐邈曰。諸侯有朝聘之禮。赴告之命。所以敦交好。通憂虞。若鄰國相望。而情志否隔。存亡禍福。不以相關。則他國之史。無由得書。魯政雖陵。典刑猶在。史策所錄。不失常法。其文足證。仲尼修之事。仍本史。有可損而不能益也。

春秋。僖公下。

卷十三

十四

山齋讀史齋



春秋

甲襄王二十三年三十有三年晉襄公驪元年齊昭六年衛成入蔡莊十九鄭穆

公蘭元年曹共二十六陳共五杞桓十宋成十秦穆二十二楚成四十五

春王二月秦人入滑音註滑姬姓國滅而書入弗能有其地

齊侯使國歸父來聘

夏四月辛巳晉人及姜戎敗秦于殽音註姜戎

之戎戎子駒支之先也殽地在弘農澠池縣西秦晉七十二年之爭始於殽而終於十三國

伐之

按書序秦穆公伐鄭晉襄公帥師敗諸殽而經書晉人敗秦于殽是皆仲尼親筆其詞何以異乎書序專取穆公悔過自誓之言止於勸善其詞恕春秋備書秦晉無道用兵之失

兼於懲惡其法嚴此所以異也晉襄親將紕不稱君者俯逼葬期忘親背惠墨衰經而卽戎其惡甚矣視秦猶狄其罪云何客人之館而謀其主因人之信已而逞其詐利人之危而襲其國越人之境而不哀其喪叛盟失信以貪勤民而棄其師狄道也夫杞子先軫之謀偷見一時之利傲倖其成自以為功者也二君皆過聽焉而貪其利是使為人臣者懷利以事其君為人子者懷利以事其父君臣父子去仁義懷利以相與利之所在則從之矣何有於君父故一失則夷狄再失則禽獸而大倫滅矣春秋人晉子而狄秦所以立人道存天理也

癸巳葬晉文公

狄侵齊

春秋僖公下 卷十三 五 崑崙山



公伐邾。取訾婁。

**音註** 訾婁邾地。公羊作叢。穀梁作訾樓。訾子斯反。

秋。公子遂帥師伐邾。

按左氏。公伐邾。取訾婁。報升陘之役。邾人不設備。襄仲復伐之。此皆不勝忿欲。報怨貪得。恃強陵弱。不義之兵也。直書其事。而罪自見矣。或曰。取須句訾婁。有為為之也。伐邾至于再三。念母勤矣。夫念母者。必當止乎禮義。平王不撫其民。而遠屯戍于母家。詩人刺之。夫子錄焉。僖公以成風之有功于已也。越禮以尊其身。違義以報其怨。殘民動眾。取人之邑。曾是以為可乎。**音註** 遠屯戍于母家。見詩揚之水。小廟。用致為夫人。

晉人敗狄于箕。

**音註** 箕地名。太原陽邑。縣南有箕城。

冬。十月。公如齊。十有二月。公至自齊。

乙巳。公薨于小寢。

左氏曰。卽安也。周制。王宮六寢。路寢一。小寢五。君日出而眠。朝退。適路寢聽政。使人眠。大夫退。然後適小寢。釋服。是路寢治事之所也。而小寢。燕息之地也。公羊以西宮為小寢。魯子以諸侯有三宮。則列國之制。蓋降於王。其以路寢為正。則一爾。君終不於路寢。則非正矣。曾子曰。吾得正而斃。又何求哉。古人貴於得正。乃如此。凡此直書而義自見矣。

隕霜不殺草。李梅實。

哀公問於仲尼曰。春秋記隕霜不殺草。何為記之也。曰。此言可殺也。夫宜殺而不殺。則李梅冬實。天失其道。草木猶于犯之。而況君乎。是故以天道言。四時失其序。則其施必悖。無



春秋

以統萬象矣。以君道言。五刑失其用。則其權必喪。無以服萬民矣。哀公欲去三桓。張公室。問社於宰我。宰我對。以使民戰栗。蓋勸之斷也。仲尼則曰。成事不說。既往不咎。其自與哀公言。乃以為可殺。何也。在聖人則能處變而不失其常。在賢者必有小貞。吉大貞凶之戒矣。其論隕霜不殺草。李梅冬實。蓋除惡於微。慮患於早之意也。

晉人陳人鄭人伐許

鄭公一。小

春秋卷之十三

春秋卷之十四

附林堯叟音 胡安國傳

文公上

公名興。僖公子。母聲姜。諡法慈。惠愛民曰文。忠信接禮曰文。

周 襄王二十六年。魯文公八年。襄王崩。子頃王立。文十四年。頃王崩。子匡王立。

鄭 穆公二年

齊 昭公七年。魯文公十四年。昭公卒。子舍立。九月。舍弒。商人立。文十八年。懿公弒。惠公元立。

宋 成公十一年。魯文公七年。成公卒。昭公杵臼立。文十六年。昭公弒。弟文公鮑立。

晉 襄公繼霸二年。魯文公六年。襄公卒。子靈公夷臯立。是年趙盾為政。

衛 成公九年

春秋文公上

卷十四

山齋譜



春秋

蔡 莊公十九年。魯文公十五年。莊公卒。子文公申立。

曹 共公二十七年。魯文公九年。共公卒。子文公壽立。

滕 詳見隱公元年。魯文公十二年。滕昭公來朝。

陳 共公六年。魯文公十三年。共公卒。子靈公平國立。

杞 詳見隱公元年。

薛 詳見隱公元年。及僖公元年。

莒 魯文公十八年。莒太子僕弑紀公庶其。子季佗立。

邾 文公四十二年。魯文公十三年。邾文公卒。子定公纘且立。

許 僖公二十九年。魯文公五年。僖公卒。昭公錫我立。

小邾 詳見僖公元年。

楚 成王四十六年。魯文公元年。冬。商臣弑成王而自立。為穆王。文十三年。穆王卒。子莊王立。

始爭

秦 穆公三十四年。秦用孟明以為政。魯文公二年。秦伯伐晉。濟河焚舟。遂霸西戎。史記穆

公三十七年。益國十二。開地千里。天子使召公過。賀穆公以金鼓。文六年。穆公卒。子康公

罃立。文十八年。康公卒。子共公稻立。

吳 詳見隱公元年。

越 詳見隱公元年。

乙未 襄王二十六年。元 晉襄二二年。齊昭七年。衛成九年。蔡莊二十年。鄭穆二年。曹共二

春秋 文公上

卷十四

二

山齋齋齋齋



十七年。陳共六年。杞桓十一年。宋成十一年。秦穆三十四年。楚成四十六年。弒

春。王正月。公即位。

即位者。告廟臨羣臣也。國君嗣世。定於初喪。必逾年。然後改元。書即位者。緣始終之義。一年不二君。緣民臣之心。不可曠年無君。按書載舜禹受終傳位之事。在舜則曰。月正元日。格於文祖。在禹則曰。正月朔旦。受命于神宗。率百官若帝之初。夫于文祖神宗。則告廟也。率百官若帝之初。則臨羣臣也。自古通喪三年。其以凶服。則不可入宗廟。其以吉服。則斬焉。在衰經之中。不可既成而又易之也。如之何。而可。子張問於孔子。高宗諒陰三年不言。何謂也。子曰。何必高宗。古之人皆然。君薨。百官總已。以聽於冢宰三年。則告廟臨羣臣。固于先王。則攝而告廟之證也。百官總已。以聽

冢宰。則攝而臨羣臣之證也。其曰。祇見厥祖者。言伊尹以奉嗣王之事。祇見太甲之祖也。至三祀。十有二月。伊尹以冕服奉嗣王。則免喪從吉之證也。然顧命康誥。記成王之崩。其君臣皆冕服。何也。當是時。成王方崩。就殯。猶未成服。故用麻冕黼裳。入受顧命。已受命誥。諸侯而後釋冕。反喪服者。於是成服而宅憂也。或以為康王釋服離次而即吉。則誤矣。

二月。癸亥。日有食之。

音註。不書朔。官失之。

天王使叔服來會葬。

音註。叔氏服。字。諸侯喪。天子使大夫會葬。禮也。

凡崩薨卒葬。人道始終之大變也。不以得禮為常事。而不書。其或失禮而害於王法之甚者。聖人則有削而不存。以示義者矣。

夏。四月。丁巳。葬我君僖公。



天王使毛伯來錫公命

**音註**

毛國伯爵諸侯為王卿士者○自隱

至文六君惟桓文書即位而後書錫命以其自即位也

諸侯終喪入見則有錫歲時來朝則有錫能敵王所愾則有錫黻冕圭璧因其終喪入見而錫之者也禮所謂喪畢以士服見天子已見賜之黻冕圭璧然後歸是已車馬衮黼因其歲時來朝而錫之者也詩所謂君子來朝何錫予之雖無予之路車乘馬又何予之玄衮及黼是已彤弓旅矢因其敵愾獻功而錫之者也詩所謂彤弓召兮受言藏之我有嘉賓中心貺之鐘鼓既設一朝享之是已今文公繼世喪制未畢非初見繼朝而獻功也何為來錫命乎故穀梁子曰禮有受命無來錫命來錫命非正也

**音註**

旅音盧予音與

晉侯伐衛

叔孫得臣如京師

**音註**

叔孫得臣叔牙之子

衛人伐晉

秋公孫敖會晉侯于戚

**音註**

戚衛邑○此大夫專會諸侯之始

冬十月丁未楚世子商臣弒其君頹

**音註**

商臣弒成

王而代立是為穆王頹丘倫反

書世子弒君者有父之親有君之尊而至於弒逆此天理大變人情所深駭春秋詳書其事欲以起問者察所由示懲誠也唐世子弘受左氏春秋至此廢書歎曰經籍聖人垂訓何書此耶郭瑜對曰春秋義存褒貶以善惡為勸戒故商臣千載而惡名不滅弘曰非惟口不可道故亦耳不忍聞願受他書瑜請讀禮世子從之嗚呼聖人大訓不明於後世皆

春秋文公上

卷十四

四

尚書卷十四



腐儒學經不知其義者之罪耳夫亂臣賊子雖陷穽在前斧鉞加於頸而不避顧謂身後惡名足以繫其邪志而懲於為惡豈不謬哉持此曉人可謂茅塞其心意矣若語之曰為人君父而不通於春秋之義者必蒙首惡之名為人臣子而不通於春秋之義者必陷篡弑誅死之罪聖人書此者使天下後世察於人倫知所以為君臣父子之道而免於首惡之名誅死之罪也則世子弘而聞此必將懼然畏懼知春秋之不可不學矣學於春秋必明臣子之義不至於奏請怫旨而見醜矣傳者按也經者斷也考於傳之所載可以見其所由致之漸豈隱乎嫡妾必正而楚子多愛立子必長而楚國之舉常在少者養世子不可不慎也而以潘崇為之師侍膳問安世子職也而多置宮中降而不憾憾而能眇者鮮矣乃欲黜兄而立其弟謀及婦人宜其敗也而使江芊知其情是以不仁處其身而以不

孝處其子也其及宜矣楚顧僭王憑陵中國戰勝諸侯毒被天下然昧於君臣父子之道禍發蕭牆而不之覺也不善之積豈可揜哉君不君則臣不臣父不父則子不子春秋書世子弑其君者推本所由而著其首惡為萬世之大戒也然則商臣無貶矣曰弑父與君之賊其惡猶待音註世子弘見唐孝敬皇帝於貶而後著乎音弭悚同羊

公孫敖如齊

丙襄王二年 晉襄三 齊昭八 衛成十 蔡莊二 申十七年 十一 鄭穆三 曹共二十八 陳共七 杞桓十二 宋成十二 秦穆三十五 楚穆王 商臣元年

春王二月甲子 晉侯及秦師戰于彭衙 秦師敗



春秋

績音註

秦地

戰而言及者主乎是戰者也夫敵加於已不  
得已而起者謂之應兵爭恨小故不忍忿怒  
者謂之忿兵按左氏秦孟明帥師伐晉報殺  
之役此所謂忿兵疑罪之在秦也而以晉侯  
主之何哉處已息爭之道遠怨之方也然則  
敵加於已縱其侵暴將不得應乎曰敵加於  
已而已有罪焉引咎責躬服其罪則可矣已  
則無罪而不義見加諭之以辭命猶不得免  
焉亦告於天子方伯可也若遽然興師而與  
戰是謂以桀攻桀何愈乎故以晉侯為主者  
處已息爭之道寡怨  
之方王者之事也

丁丑作僖公主

作主者造木主也既葬而反虞虞主用桑期  
年而練祭練主用栗用栗者藏主也何以書  
僖公薨至是十有五月然後作主慢而不敬  
甚矣夫慢而不敬積惡之原也以爲無傷而  
不去至於惡積而不可揜所以謹之也

三月乙巳及晉處父盟

音註

處父姓陽爲晉正卿也朝而盟始此

及處父盟者公也其不地於晉也諱不書公  
者抑大夫之仇不使與公爲敵正君臣之分  
也適晉不書反國不致爲公諱恥存臣子  
之禮也凡此類筆削魯史之舊文衆矣

夏六月公孫敖會宋公陳侯鄭伯晉士穀盟于

垂隴音註

垂隴鄭地○晉遂以大夫盟諸侯也  
大夫而與諸侯敵於是始是故書士

穀而後凡役書大夫

自十有二月不雨至于秋七月

春秋文公上

卷十四

六

崑崙山



書不雨至于秋七月而不曰至于秋七月不雨者蓋後言不雨則是冀雨之辭非文公之意也夫書不雨至于秋七月而止即八月嘗雨矣然而不書八月雨者見文公之無意於雨不以民事繫憂樂也其怠於政事可知而魯衰自此始矣

八月丁卯大事于大廟躋僖公

**音註**

躋。賤西反。升也。

有事者時祭大事。禘也。合羣廟之主。食於大廟。升僖於閔之上也。閔僖二公親則兄弟分則君臣以為逆祀者兄弟之不先君臣禮也。君子不以親親害尊尊。故左氏則曰祀國之大事而逆之可乎。子雖齊聖不先父食久矣。公羊則曰其逆祀先禰而後祖也。穀梁則曰逆祀則是無昭穆也。無昭穆則是無祖也。閔僖非祖禰而謂之祖禰者何。臣子一例也。夫有天下者事七世。諸侯五世。說禮者曰世指父子。非兄弟也。然三傳同以閔公為祖而臣

子一例。是以僖公父視閔公為禮而父死子繼。兄亡弟及。名號雖不同其為世一矣。

冬晉人宋人陳人鄭人伐秦

按左氏四國伐秦報彭衙之役則皆國卿也。其貶而稱人者晉人再勝秦師在常情亦可。以已矣而復與此役結怨勤民是全不務德。專欲力爭而報復之無已也。以致濟河焚舟之師。故特貶而稱人。

公子遂如齊納幣

婚姻常事不書其書納幣者喪未終而圖婚也。夫娶在三年之外矣則何譏乎。春秋論事莫重乎志。志敬而節具與之知禮。志和而音雅與之知樂。志哀而居約與之知喪。非虛加之也。重志之謂也。此皆使人私欲不行閑邪復禮之意。



春秋

丁襄王二十三年 晉襄四齊昭九衛成十一蔡莊  
西十八年 二十二年 鄭穆四曹共二十九陳

共八杞桓十三宋成十  
三秦穆三十六楚穆二

春王正月叔孫得臣會晉人宋人陳人衛人鄭

人伐沈沈潰音註沈音審汝南小國

按左氏伐沈以其服於楚也沈潰民逃其上  
也五國皆稱人將非命卿也沈在汝南平輿  
縣北未嘗與中國會盟而南服於楚師入其  
境而民人逃散雖非義舉比於報復私怨之  
兵則有閒矣故其辭無褒貶凡此類欲  
示後世用師者知權而本之以正也

**音註**

將去聲

夏五月王子虎卒音註王子虎王朝大夫

王子虎不書爵譏之也天子內臣無外交或  
曰禮稱情而為之節文者也叔服新使乎我  
則宜有恩禮矣仲尼脫驂於舊館雖卒叔服  
可也夫脫驂於舊館惡夫涕之無從而為之  
者非禮之經也天子內臣無外交而以新使  
乎我致恩禮焉是以私情害公義失輕重之  
權矣

**音註**驂音參

秦人伐晉音註濟河焚舟晉人不出

按左氏秦伯伐晉濟河焚舟封殺尸而還其  
稱人何也聖人作易以懲忿窒慾為損卦之  
象其辭曰損德之修也春秋諸侯之知德者  
鮮矣穆公初聽杞子之請違蹇叔之言其名  
為貪兵是慾而不能窒也及敗于殺歸作秦  
誓庶幾能改將窒其慾矣復起彭衙之師報  
殺函之役其名為憤兵是忿而不能懲也今  
又濟河取郊人之稱斯師也何義哉晉人畏

春秋文公上 卷十四 八 崑崙山



春秋

秦而不出。穆公逞其忿而後悔。自是見伐不報。始能踐自誓之言矣。是故於此貶而稱人。備責之也。

秋。楚人圍江。音註 江近楚小國

雨。蝨于宋。音註 雨去聲 蝨音終

冬。公如晉。

十有二月。己巳。公及晉侯盟。

晉陽處父帥師伐楚以救江。音註 晉大夫書帥師於是始自

士穀專盟書大夫處父專將書大夫於是常書大夫貶而後人之

以者不以者也。救江善矣。其書以何。楚嘗伐鄭矣。齊桓公遠結江黃。合九國之師于召陵。

然後伐鄭之謀罷。又嘗圍宋矣。晉文公許復曹衛。會四國之師于城濮。然後圍宋之役解。今江國小而弱。非能與宋鄭比。楚人圍之。必不待徹四境屯戍守禦之眾。與宿衛盡行也。當是時。楚有覆載不容之罪。晉主夏盟。宜合諸侯聲罪致討。命秦甲出武關。齊以東兵畧陳蔡而南。處父等軍方城之外。楚必震恐。而江圍自解矣。計不出此。乃獨遣一軍遠攻。強國豈能濟乎。故書伐楚以救江。言救江雖善。而所以救之者。非其道矣。此春秋紀用兵之法也。

戊。襄王二十二年。四年。晉襄五。齊昭十。衛成十二。蔡莊

九。杞桓十四。宋成十四。鄭穆五。曹共三十。陳共

秦穆三十七。楚穆三

春。公至自晉。  
春秋文公上 卷十四 九 崑山齋



春秋

夏逆婦姜于齊

逆皆稱女。以未成婦。而女者在父母家之所稱也。往逆而稱婦。入國不書至。何哉。此春秋誅意之效也。禪制未終。思念娶事。是不志哀而居約矣。方逆也。而已成爲婦。未至也。而如在國中。原其意而誅之也。不稱夫人。姜氏者。亦與有貶焉。婦人不專行。何以與有貶。父母與有罪也。文公不知敬其伉儷。違禮而行。使國亂子弑。齊人不能鑒微。知著。冒禮而往。使其女不允於魯。皆失於不正其始之過也。夫婦之際。人倫之首。禮不可不謹也。故交貶之。以爲後鑒。

狄侵齊

秋楚人滅江

晉侯伐秦

晉人三敗秦師。見報乃常情耳。而穆公濟河焚舟。則貶而稱人。秦取王官及郊。未至結怨。如晉師之甚也。襄公又報之。於常情過矣。而得稱爵。何也。聖人以常情待晉襄。而以王事責秦穆。所以異乎。襄公忘親背惠。大敗秦師。敗狄伐許。怒魯侯之不朝也。而以無禮施之。是專尚威力。先事加人。莫知省德。而後動也。今又報秦。不足罪矣。穆公初敗於穀。悔過自誓。增修德政。宜若過而知悔。悔而能改。又有濟河之役。則非誓言之意。所以備責之也。然晉襄見伐而報。猶無譏焉。秦穆至是見伐。而不報。善可知矣。不譏晉侯。所以深善秦伯。春秋大改過。嘉釋怨。王者之事也。故仲尼定書。列秦誓於百篇之末。以見悔過能改。而不責人。雖聖賢誥命。不越此矣。

春秋文公上

卷十四

十

崑崙齋鑄



衛侯使甯俞來聘

冬十有一月壬寅夫人風氏薨

風氏僖公之母莊公妾也而稱夫人自是嫡妾亂矣語曰邦君之妻邦人稱之曰君夫人稱諸異邦曰寡小君蓋敵體之稱也若夫妾媵則非敵矣其生亦以夫人之名稱號之其沒亦以夫人之禮卒葬之非所以正其分也以妾媵為夫人徒欲尊寵其所愛而不虞卑其身以妾母為夫人徒欲崇貴其所生而不虞賤其父卑其身則失位賤其父則無本越禮至是不亦悖乎夫禮庶子為君為其母無服不敢貳尊者也春秋於成風記其卒葬各以實書不為異辭者謹禮之所由變也

巴

襄王三年

五年

晉襄六年齊昭十一衛成十三蔡十年莊二十四鄭穆六曹共三十一

陳共十杞桓十五宋成十五秦穆三十八楚穆四

春王正月王使榮叔歸含且贈

音註

榮叔周大夫也榮采

地叔字也含戶暗反

珠玉曰含車馬曰贈歸含且贈者厚禮妾母也。不稱天王者弗克若天也。春秋繫王於天以定其名號者所履則天位也。所治則天職也。所勅而悖之者則天之所敘也。所自而庸之者則天之所秩也。所賞所刑者則天之所命而天之所討也。夫婦人倫之本。王法所尤謹者。今成風以妾僭嫡。王不能正。又使大夫歸含贈焉。而成之為夫人。則王法廢。人倫亂矣。是謂弗克若天而悖其道。非小失耳。故特不稱天以謹之也。

三月辛亥葬我小君成風

春火

文公上

卷十四

十一

崑崙山



仲子雖聘非惠公之嫡也春秋之初尚以為疑故別為立宮而羽數特異此雖非禮之正然不耐於姑猶有辨焉至是成風書葬乃有二夫人耐廟而亂倫易紀無復辨矣故禮之失自成風始也

王使名伯來會葬

**音註** 名伯天子卿也名采地音邵伯爵也○王不稱

天於追錫桓公見之至是再見貶也且文武之教著於南雅莫急於君夫人也桓以少篡長成風以庶亂嫡王道熄矣而莊襄不能正又從而褒賞之是以天命施之天討也是故皆不稱天王臣下聘桓公冢宰書名示貶而大夫再聘則無譏焉或以為從同也或以為同則書重也成風薨王使榮叔歸含且贈既不稱天矣又使名伯來會葬又與貶焉何也歸含且贈施於妾母已稠疊矣又使卿來會葬恩數有加焉是將耐之於廟也而致禮於成風盡

矣聘一也含贈而又葬則其事益隆亂人倫廢王法甚矣再不稱天者聖人於此尤謹其戒畧不敢畧也

夏公孫敖如晉

秦人入郟

**音註** 郟國名音若本在商密秦楚之界上後遷南郡郟縣

秋楚人滅六

**音註** 六小國或作蓼按地譜壽州安豐縣有六國故城

冬十月甲申許男業卒

**音註** 公錫我立

庚襄王三十一年

六年

晉襄七年卒齊昭十二年衛成十四年蔡莊二十五年鄭穆七年曹共三十

二陳共十一年杞桓十六宋成十六秦穆三十九楚穆五

春葬許僖公

春秋文公上

卷十四

十二

崑崙齋鑄



春秋

夏季孫行父如陳

**音註**

行父季友子

秋季孫行父如晉

八月乙亥晉侯驩卒

**音註**

襄公卒明年子靈公夷臯立

冬十月公子遂如晉葬晉襄公

晉殺其大夫陽處父晉狐射姑出奔狄

公羊子曰晉殺其大夫陽處父則狐射姑曷為出奔射姑殺也射姑殺則其稱國以殺何君漏言也易曰不出戶庭无咎何謂也子曰亂之所生則言語以為階君不密則失臣臣不密則失身幾事不密則害成是以君子慎密而不出也凡書殺者在上下則稱君在下則稱氏人眾則稱人在微則稱盜君與臣同殺則稱國今殺處父者射姑耳君獨以漏言故

亦預殺焉所以為後世戒也或以處父為侵官非歟曰人君用人失當則其國必危凡立于朝者舉當諫君況身為晉國之太傅邪若以為侵官將相大臣非其人百官有司失其職在位者當拱默自全陰聽人主之所為至於顛危而不救則將焉用彼相乎率天下臣子為持祿容身不忠之行以誤朝迷國者必此侵官之說夫

**音註**

射入聲或作夜

閏月不告月猶朝于廟

**音註**

告音谷朝音潮

不告月者不告朔也不告朔則曷為不言朔也因月之虧盈而置閏是主乎月而有閏也故不言朔而言月占天時則以星授民事則以節候寒暑之至則以氣百官修其政於朝庶民服其事於野則主乎是焉耳矣閏不可廢乎曰迎日推策則有其數轉璣觀衡則有其象歸奇於扚以象閏數也斗指兩辰之間象也象數者天理也非人所能為也故以定

春秋文公上

卷十四

三

崇禎閏鑄



春秋

時成歲者。唐典也。以詔王居門終月者。周制也。班告朔於邦國。不以是為附月之餘。而弗之數也。猶朝于廟者。幸其不已之詞。子貢欲去告朔之餼羊。子曰。爾愛其羊。我愛其禮。

**辛** 襄王三十七年 **七年** 晉靈公夷臯元年。齊昭十三。衛

共三十三。陳共十二。杞桓十七。宋成十七。卒。秦康公。罃元年。楚穆六。

**春。公伐邾。三月甲戌。取須句。** **音註** 須句。魯之封內屬國也。僖

公反其君之後。邾復滅之。書取。易也。句。音俱。

**遂城部。** **音註** 部。魯邑。因伐邾師以城。部。備邾難。部。音吾。

**夏。四月。宋公王臣卒。** **音註** 成公卒。昭公杵臼立。

**宋人殺其大夫。** **音註** 宋人攻昭公。并殺二大夫。故以非罪書。

書宋人者。國亂無政。非君命而眾人擅殺之也。大夫不名。義繫於殺大夫。而其名不足紀也。

**音註** 不稱殺者。及死者名。殺者眾。死者無罪。

**戊子。晉人及秦人戰于令狐。晉先蔑奔秦。** **音註**

令狐。晉地。在河東。令。力呈反。先蔑。晉人。蔑。或作昧。

按左氏。襄公卒。大子幼。晉人欲立長君。趙孟使先蔑如秦。逆公子雍。秦康公以師納之。襄夫人日抱大子以啼于朝。曰。舍適嗣不立。而外求君。將焉寘此。諸大夫畏逼。乃背先蔑立靈公。趙盾將中軍。以禦秦。潛師夜起。敗秦師于令狐。先蔑奔秦。程氏以為晉不謝秦。秦納不正。皆罪也。故稱人。晉懼秦之不肯已。而擊之。是晉人為志乎。是戰者也。故書及其貶之。如此者。使後世臣子慎於廢立之際。不可忽也。治亂存亡。繫國君之廢立。事莫重於此矣。

春秋文公上 卷十四 十四 篇譜閏鑄



春秋

而可以有誤乎。奕者舉棋不定，不勝其耦，況置君而可以不定乎。

狄侵我西鄙

秋八月公會諸侯晉大夫盟于扈

**音註** 扈鄭地音戶

不序諸侯散辭也。晉於是始失伯也。

諸侯會晉趙盾盟于扈，為晉侯立也。趙盾內專廢置其君，外強諸侯為此盟，其不名者，見大夫之強也。諸侯不序，見公之不及於會也。文公怠惰，事多廢緩，既約晉盟而復後至，故隱其不及，罪公之不能自強於政治，魯自是日益衰矣。

冬徐伐莒

公孫敖如莒涖盟

壬襄王三十八年

八年

晉靈二，齊昭十四，衛成十六，蔡莊二十七，鄭穆九，曹共三十四，陳共十三，杞桓十八，宋昭公杵臼元年，秦康二，楚穆七。

春王正月

夏四月

秋八月戊申天王崩

**音註** 襄王崩子頃王立

冬十月壬午公子遂會晉趙盾盟于衡雍

**音註** 衡雍鄭地與扈相近

乙酉公子遂會雒戎盟于暴

**音註** 雒戎雒水名音洛蓋諸戎

雜居洛水之間故曰雒戎暴鄭地

春秋文公上

卷十四

十五

山齋譜



春秋

春秋記約而志詳其書公子遂盟趙盾及維戎何詞之贅乎曰聖人謹華夷之辨所以明族類別內外也維邑天地之中而戎醜居之亂華甚矣再稱公子各日其會正其名與地以深別之者示中國夷狄終不可雜也自東漢以來乃與戎雜處而不辨晉至於神州陸沈唐亦世有戎狄之亂許翰以為謀國者不知學春秋之過信矣

公孫敖如京師不至而復丙戌奔莒

按左氏公孫敖奔莒從已氏也男女人之大欲存焉寡欲者養心之要欲而不行可以為難矣然欲生於色而縱於淫色出於性目之所視有同美焉不可掩也淫出於氣不持其志則放僻趨蹶無不為矣敖如京師其書不至而復者言敖無入使于周之意惟已氏之欲從也夫以志徇氣肆行淫欲而不能為之帥至於棄其家國出奔而不顧此天下之大

戒也春秋謹書其事於敖與何誅使後人為鑒必持其志修窒慾之方也

螽

宋人殺其大夫司馬宋司城來奔

音註司馬公

司城蕩意諸也印意諸皆昭公之黨

初宋昭公將去羣公子樂豫以為不可遂舍司馬以讓公子印則印固昭公之黨欲專宋政而昭公固欲以其弟印自衛也夫司馬掌兵之官不選眾舉賢以素有威望為國人所畏服者使居其任乃欲寵其私昵鮮有不亡者矣公子印蕩意諸皆以官舉者見主兵者不能其官至於見殺守土者不能其官至於出奔而其君不免失身見弑之禍宜矣



報  
意

春秋卷之十四

春秋卷之十五

文公下

癸卯 頃王九年 晉靈三 齊昭十五 衛成十七 蔡莊  
共十四 杞桓十九 宋昭二 秦康三 楚穆八

春毛伯來求金音註

來求止此自是魯雖不修貢周無求矣

毛伯天子大夫何以不稱使當喪未君也踰年卽位矣何以言未君古者諒陰三年百官總已以聽於冢宰夫百官總已以聽則是冢宰獨專國政之時託於王命以號令天下夫豈不可而不稱使春秋之旨微矣非特謹天下之通喪所以示後世大臣當國秉政不可擅權之法戒也跋扈之臣假仗主威脅制中外凡有所行動以詔書從事蓋未有以春秋

春秋文公下卷十五

山齋齋齋齋



此義折之耳

夫人姜氏如齊音註

姜氏齊昭公女

二月叔孫得臣如京師辛丑葬襄王音註

前年公子

遂葬襄公今年得臣葬襄王是夷周於晉也

晉人殺其大夫先都音註

先都下軍佐也以作亂討故書名

三月夫人姜氏至自齊

夫人與君敵體同主宗廟之事出必告行反必告至則書于策然適他國者或曰享或曰會或曰如如衆矣未有致之者則其行非禮以不致見其罪也出姜如齊以寧父母於禮得行矣其致者非特以告廟書耳夫人初歸豈其不告爲文公越禮故削而不書示誅意之

法矣今此書至者又以見小君之重也夫承祭祀以爲宗廟主一國之母儀而可以搖動乎出姜至是蓋不安於魯故至而特書音註以示防微杜漸之意其爲世慮深矣音註

晉人殺其大夫士穀及箕鄭父音註

與先都同罪也

殺先都士穀國也其稱人以殺者國亂無政衆人擅殺之稱也何以知其非討賊之詞書殺其大夫則知之矣三大夫皆強家也求專晉不得挾私怨以作亂而使賊殺其中軍佐則固有罪矣曷爲不去其官當是時晉靈初立主幼不君政在趙盾而中軍佐者盾之黨也若獄有所歸則此三人者獨無可議從末減乎而皆殺之是大夫專生殺而政不自人主出也故不稱國討不去其官而箕鄭父書及示後世司賞罰者必本忠恕無有黨偏之



春秋

意其義精矣

音註

去上聲下同

楚人伐鄭公子遂會晉人宋人衛人許人救鄭

按左氏范山言於楚子曰晉君少不在諸侯北方可圖也楚子師于狼淵以伐鄭則是貪得無故憑陵諸夏之兵也故楚子親將貶而稱人晉宋衛則趙盾華孔皆國卿也何以貶而稱人救而不及楚師欲以懲不恪也晉主夏盟不在諸侯以啓戎心誰之過乎故書救而稱人以罪趙盾之不能折衝消患為夷狄之所窺也

音註

范山楚大夫少去聲

夏狄侵齊

秋八月曹伯襄卒

音註 共公卒子文公壽立

九月癸酉地震

音註

地道安靜以動為異故書

冬楚子使椒來聘

音註

楚君臣始並見於經

楚僭稱王春秋之始獨以號舉夷狄之也中間來聘改而書人漸進之矣至是其君書爵其臣書名而稱使遂與諸侯比者是以中國之禮待之也所謂謹華夷之辨內諸夏而外四夷義安在乎曰吳楚聖賢之後見周之弱王靈不及僭擬名號此乃夏而變於夷者也聖人重絕之夫春秋立法謹嚴而宅心忠恕嚴於立法故僭號稱王則深加貶黜比之夷狄以正君臣之義恕以宅心故內雖不使與中國同外亦不使與夷狄等思善悔過向慕中國則進之而不拒此慎用刑重絕人之意也噫春秋之所以為春秋非聖人莫能修之者乎

春秋文公下

卷十五

三

山齋遺稿



秦人來歸僖公成風之綖

**音註**

衣服曰綖音遂

秦人歸綖而曰僖公成風者非兼綖也亦猶平王來貽仲子而謂之惠公仲子爾仲子惠公之妾也然則風氏亦莊公之妾曷不書曰來歸莊公成風之綖乎曰寵愛仲子以妾為妻者惠公也故書惠公仲子所以正後世之為人夫者當明夫道不可亂嫡妾之分以卑其身尊崇風氏立為夫人者僖公也故書僖公成風所以正後世之為人子者當明子道不可行僭亂之禮以賤其父聖人垂戒之義明矣

葬曹共公

**甲**頃王十年

晉靈四齊昭十六衛成十八蔡莊

陳共十五杞桓二十宋昭三秦康四楚穆九

春王三月辛卯臧孫辰卒

**音註**

臧孫辰文仲也

夏秦伐晉

**音註** 狄秦也楚之伯秦之力也於是狄秦夏之變於夷秦為之也又

三十年而狄鄭又五十年而狄晉狄鄭猶可也狄晉甚矣

說者謂秦伐晉以戎狄書蓋闕文者據左氏少梁北徵之師兩國相攻無他得失言之也然晉取少梁事不經見固未可據秦以狄書者程氏以為晉舍適嗣而外求君罪也既而悔之正矣秦不顧義理是非惟以報復為事則夷狄之道也以此狄秦義固然矣或者猶有深許晉人悔過能改終不遂非之意故重貶秦伯以見乎

**音註**

少去聲下同

楚殺其大夫宜申

**音註**

宜申子西也

按左氏宜申與仲歸謀弑穆王而誅則是討弑君之賊也曷為稱國以殺又書其官而不

春秋

文公下

卷十五

四

山齋齋齋齋



春秋

曰楚人殺宜申乎。曰穆王者。即楚世子商臣也。而春秋之義微矣。

自正月不雨。至于秋七月。

及蘇子盟于女栗。

**音註**

蘇子。周卿士也。女栗。地闕。女音汝。頃王新立。故

與魯盟。親諸侯也。

冬。秋。侵宋。楚子蔡侯次于厥貉。

**音註**

厥貉。地闕。貉音麥。次

以見楚之圖伯而未集也。是故書次于郎。以見齊霸之難。書次厥貉。以見楚伯之難。

楚滅江。六平陳與鄭。於是乎為伐宋之舉。次于厥貉。凡伐而次者。其次為善。次而伐者。其次為貶。齊師次陘。修文告以威敵。善之也。故上書伐楚。以著其美。楚次厥貉。藏禍心。以憑夏。貶之也。故下書伐麋。以著其罪。當是時。陳鄭宋皆從楚矣。獨書蔡侯。何哉。鄭失三大夫。

侯救而不及。陳獲公子茂而懼。宋方有狄難。蓋有不得已者。非所欲也。蔡無四境之虞。則

是得已不已。志在從夷狄矣。故削**音註**。伐音。三國書蔡侯。見其棄諸夏之惡也。

**乙**頃王

**十有一年**

晉靈五。齊昭十七。衛成十九。蔡莊三十。鄭穆十二。曹文二。

陳共十六。杞桓二十一。宋昭四。秦康五。楚穆十。

春。楚子伐麋。

**音註**

麋。小國。近楚。音君。楚書君將於是始。自是楚師必圍滅而

後貶之。

夏。叔仲彭生會晉卻缺于承筐。

**音註**

卻。去逆反。承筐。宋地。

秋。曹伯來朝。

公子遂如宋。

春秋

文公下

卷十五

五

山嵐齋



狄侵齊

冬十月甲午。叔孫得臣敗狄于鹹。

**音註**

鹹音咸。魯地。

左氏稱此長狄也。而劉敞以為非。夫春秋正名之書。其稱狄也。或曰狄。或曰白狄。或曰赤狄。其稱戎也。或曰戎。或曰山戎。或曰姜戎。或曰陸渾之戎。不別其種類。書之于策。後亦無所考矣。

**音註**

種上聲。

兩頃王四年。十有二年。

晉靈六。齊昭十八。衛成二十。蔡莊三十一。鄭穆十三。曹文

三。陳共十七。杞桓二十二。宋昭五。秦康六。楚穆十一。

春王正月。邾伯來奔。

**音註**

此邾太子朱儒也。其曰邾伯。見魯以諸侯

之禮逆之也。是故邾太子朱儒。魯謂之邾伯。晉大夫子州蒲。晉謂之晉侯。從而書之。徒見其悖禮。

義耳

杞伯來朝。

**音註**

復稱伯。舍夷禮。

二月庚子。子叔姬卒。

**音註**

叔姬。文公女。許嫁杞伯。後為絕昏。至是卒。

夏楚人圍巢。

**音註**

巢。吳楚閒小國。

秋滕子來朝。

秦伯使術來聘。

**音註**

秦君臣始並見。

冬十有二月戊午。晉人秦人戰于河曲。

秦伯親將。晉上卿趙盾禦之。其稱人何。為合狐之役故也。秦納不正。遂非積忿。晉不謝秦。潛師禦之。是以暴兵連禍。至此極也。凡戰皆以主人及客者。處已之道。寡怨之方。王者之

春秋文公下

卷十五

六

崑崙山齋鑄



事其不書晉及何也。前年秦師來伐晉，不言戰者，晉已服矣。故狄秦而免晉，今又為此役，則秦曲甚矣。故不以晉為主，惟動大眾，從秦師，不奉詞，合以止之也。故貶而稱人，此輕重之權。**音註** 河曲，晉地也。

季孫行父帥師城諸及鄆。**音註** 諸，鄆本魯二邑，近於魯，乃莒魯所爭者，以其遠逼外國，故帥師城之。

丁頃王十有三年。晉靈七，齊昭十九，衛成二十，蔡莊三十二，鄭穆十四，曹文四，陳共十八，卒，杞桓二十二，宋昭六，秦康七，楚穆十二。

春王正月

夏五月壬午，陳侯朔卒。**音註** 共公卒，子靈公平國立。

邾子蘧蒢卒。**音註** 蘧蒢，音渠除，文公卒，子定公獲且立。

自正月不雨，至于秋七月。

世室屋壞

世室，魯公之廟也。周公稱太廟，魯公稱世室。羣公稱宮。書世室屋壞，譏久不修也。何以知久乎？自正月不雨，則無壞道也。不雨凡七月，而先君之廟壞，不恭甚矣。凡此皆志文公怠慢，不謹事宗廟，以致魯國衰削之由，垂戒切矣。

冬，公如晉，衛侯會公于沓。**音註** 沓，地闕。

狄侵衛

十有二月己丑，公及晉侯盟。公還自晉，鄭伯會

春，火。文公下。卷十五。七。山嵐詩，古鑑。



春秋

公于棊音註

棊鄭地音吠又音匪○楚次厥貉而晉遂不競於是公朝晉衛侯會

公諸夏之懼甚矣

戊頃王六年崩子班嗣位是

十有四年

晉靈八

申為匡王春秋皆不書崩葬二十二年蔡莊三十三鄭穆十五曹文

五陳靈公平國元年杞桓二十四宋昭七秦康

八楚莊王旅元年

春王正月公至自晉邾人伐我南鄙叔彭生帥師伐邾

夏五月乙亥齊侯潘卒音註

昭公卒子舍立

六月公會宋公陳侯衛侯鄭伯許男曹伯晉趙

盾癸酉同盟于新城音註

新城宋地

同盟于新城同外楚也其曰同者志諸侯同欲非強之也而宋公陳侯鄭伯在焉則知楚次厥貉三國雖從誠有弗獲已者削而不書蓋恕之也蔡不與盟果有背華即夷之實矣夷考晉楚行事未有以大相遠也而春秋予奪如此者荆楚僭王若與同好陵蔑中華是將代宗周為共主君臣之義滅矣可不謹乎音註強上聲與音預背音佩

秋七月有星孛入于北斗音註

孛音

孛者惡氣所生闇亂不明之貌也入于北斗者斗有環域天之三辰綱紀星也宋先代之後齊晉天子方伯中國紀綱彗者所以除舊布新也禎祥妖孽隨其所感先事而著後三年宋弑昭公又二年齊弑懿公又二年晉弑靈公此三君者皆違道失德而死於亂符叔

春秋文公下

卷十五

八

崑崙山



服之言天之示人顯矣史之有占明矣

公至自會

晉人納捷菑于邾弗克納

**音註** 菑側其反

邾文公元妃齊姜生定公二妃晉姬生捷菑文公卒邾人立定公捷菑奔晉趙盾以諸侯之師入百乘納捷菑于邾邾人辭曰齊出獲且長宣子曰非吾力不能納也義實不爾克也引師而去之故君子善之而書曰弗克納也在易同人九四曰乘其墉弗克攻吉象曰乘其墉義弗克也其吉則困而反則也其趙盾之謂矣聖人以改過為大過而不改將文過以遂非則有怙終之刑過而能悔不貳欲不行可以為難矣然則何以稱人大夫而置諸侯非也聞義能徙故為之諱內以諱為

貶外以諱為善 **音註** 且平聲文去聲 見音現為去聲

九月甲申公孫敖卒于齊

齊公子商人弒其君舍

**音註** 商人弒舍自立是為懿公

州吁弒君則以國氏商人獨稱公子何也以國氏者累及乎上稱公子者誅止其身夫州吁寵愛有匹嫡奪正之漸莊公養成其惡而莫之禁至於弒逆則有以致之矣故曰以國氏者累及乎上按左氏魯叔姬齊昭公生舍叔姬無寵舍無威商人心知其孤危寡特可以取而代也於是驟施於國而多聚士然則商人弒逆出於其身之所為而非昭公有以致之也故曰稱公子者誅止其身舍未踰年而成之為君者穀梁子曰成舍之為君所以重商人 **音註** 累劣偽反妃音之弒也 **音註** 配施式鼓反



宋子哀來奔

**音註** 子哀即高哀也

宋昭公無道。高哀為蕭封人以為卿。不義。宋公而出。遂來奔。書曰子哀。貴之也。易曰。幾者。動之微。吉之先見者也。君子見幾而作。不俟終日。宋子哀有焉。昔微子去紂。列于三仁之首。子哀不立于危亂之邦。而春秋書字。謂能貴愛其身以存道也。若偷生避禍而去國。出奔。亦何取之有。

冬。單伯如齊。齊人執單伯。

**音註** 單伯。周卿士。單音善。○諸侯無

執王使之義。故不依行人例。

齊君舍魯之甥也。商人弑舍。固忌魯矣。魯使單伯如齊。齊人意欲辱魯。故執單伯。并子叔姬。而誣之以罪。不稱行人。公羊所謂以已執之者也。

齊人執子叔姬

**音註** 子叔姬。魯女。

子叔姬者。齊君舍之母也。弑其君。執其母。皆商人所為。而以為齊人。執之。何也。商人弑君之罪已顯。而齊人黨賊之惡未彰。商人驟施於國。而多聚士。是以財誘齊國之人。而濟其惡也。齊人懷商人之私惠。忘君父之大倫。弑其君。而不能討。執其母。而莫之救。則是舉國之人。皆有不赦之罪也。假有人焉。正色而立於朝。誰敢致難其君。與執其母。而不之顧乎。故聖人書曰。齊人執子叔姬。所以窮逆賊之黨。與而治之也。其討罪之旨嚴矣。故曰春秋成而亂臣難去。聲難去聲。

已酉 十有五年

晉靈公。齊懿公。商人元年。衛

穆十六。曹文六。陳靈二。杞桓二。楚莊二。

春秋 文公下

卷十五

十

崑崙齋



春。季孫行父如晉。**音註**

季孫行父魯大夫。即季文子也。

三月。宋司馬華孫來盟。**音註**

華孫。即華耦。為華督孫。故稱華孫。

司馬。主兵之官。稱華孫者。自督弒殤公。諸侯受賂。失賊不討。使秉宋政。及其後世。繼掌兵權。春秋之所禁者。故傳載其承命亞旅之詞。而經書曰。宋司馬華孫來盟。其曰華孫。猶季孫叔孫仲孫臧孫之類。不書名者。義不繫於名也。不稱使。以是專行為無君矣。孟子曰。所謂故國。非謂其有喬木。有世臣之謂也。春秋此義。其欲後世以賢者之類。功臣之胄。為世臣。然後委之以政乎。

**音註**

傳去聲。

夏。曹伯來朝。

齊人歸公孫敖之喪。**音註**

大夫喪。還不書。善魯感子以赦父。敦公族。

特錄。恩崇仁孝之教。故錄敖喪歸以示義。

公孫敖。慶父之後。行又醜矣。出奔他國。其卒與喪歸。皆書于策者。許翰以謂文伯惠叔二子之哀誠無已也。故魯人從其請。國史記其事。仲尼因而革者。以敖著教也。易曰。有子考无咎。周公命蔡仲曰。爾尚蓋前人之愆。

六月。辛丑朔。日有食之。鼓用牲于社。

單伯至自齊。

單伯。天子之命大夫也。故逆王姬。會伐宋。使于齊。皆書其字。致而不名。與意如。媿異者。無所書。而不尊王命。謹臣禮也。

**音註**

使去聲。媿。敕畧反。

晉卻缺帥師伐蔡。戊申。入蔡。**音註**

入國書大夫。於是始。是故。

春秋

文公下

卷十五

十一

山齋讀齋錄



春秋

自伐書陽處父入書卻缺侵書趙穿由是凡役書大夫

秋齊人侵我西鄙

季孫行父如晉

冬十有一月諸侯盟于扈

盟于扈者晉侯宋公衛蔡陳鄭曹許八國之君也何以不序畧之也春秋於夷狄君臣同詞而不分爵號說者以為畧之也八國曷為畧之等於夷狄乎齊人弑君不能致討受賂而退奚以賢於狄矣不曰晉人會諸侯盟于扈而曰諸侯盟者分惡於諸侯也陳恒弑其君孔子沐浴而朝告於哀公請討之弑君之賊夫人之所得討也而况諸侯乎况於鄰國乎畧諸侯而不序以其欲討齊罪而復不能也况於鄰壤初不與盟會者乎魯君之罪亦

可知也 音註 號去聲復 扶又反

十有二月齊人來歸子叔姬

不言齊子叔姬來歸而曰齊人來歸子叔姬者見子叔姬無罪齊人自絕而歸之爾春秋深罪齊人以商人為君而不知其惡故其執其歸與弑其君商人皆稱齊人深責之也

音註 見音現

齊侯侵我西鄙遂伐曹入其郭 音註 郭音孚 兵事言遂

必天下之大故也此言遂代曹以齊始敗夏盟晉遂不競也

庚匡王 十有六年 晉靈十 齊懿二 衛成二十四 蔡文公申元年 鄭穆十七 曹

文七 陳靈三 杞桓二十六 宋昭九 弑秦康十 楚莊三

春秋文公下 卷十五 十二 山齋齋齋齋



春季孫行父會齊侯于陽穀。齊侯弗及盟。

陽穀齊地

夏五月公四不視朔。

天子班朔于諸侯。諸侯每月奉以告廟。出視朝政。文公四不視朔。公羊子以為有疾也。不言疾。自是公無疾不視朔也。此見聖人所書之意。若後復視朔者。必於此書公有疾。與昭公如晉之事比矣。文公厭政。備見于經。閏不告朔。不視。無雨不閏。會同不與。廟壞不修。作主不時。事神治民之怠也。則其心放而不知求久矣。

六月戊辰公子遂及齊侯盟于鄆丘。

或作犀丘。鄆音西。又音妻。

鄆丘齊地

秋八月辛未夫人姜氏薨。

姜氏僖公夫人。文公母也。

毀泉臺。

泉臺即郎臺也。

先祖為之非矣。然臺之存毀。非安危治亂之所繫也。雖勿居可也。而必毀之。是暴揚其失。有輕先祖之心。此履霜之漸。弑父與君之萌。春秋之所謹也。故書。

楚人秦人巴人滅庸。

庸東南小國。

楚大饑。戎與麋濮交伐之。而庸人幸其弱。帥羣蠻以叛楚。此取滅之道也。楚人謀徙於阪高。為賈曰不可。我能往。寇亦能往。不如伐庸。亦見其謀國之善矣。故列書三國。而楚不稱師。滅楚之罪詞也。

冬十有一月宋人弑其君杵臼。

昭公弑弟文公鮑立。



此襄夫人使甸殺之也。而書宋人者，昭公無道，國人之所欲弑也。君無道而弑之，可乎？諸侯殺其大夫，雖當於罪，若不歸司寇，猶有專殺之嫌，以為不臣矣。况於北面歸戴奉之，以為君也。故曰：人臣無將，將而必誅。昭公無道，聖人以弑君之罪歸宋人者，以明三綱人道之大倫。君臣之義不可廢也。然則有土之君，可以肆於民上，而無誅乎？諸侯無道，天子方伯在焉。臣子國人，其何居死於其職，而明於去就從違之義，斯可矣。蕩意諸亦死職，春秋削之，不得班於孔父仇牧荀息何也？三子閑其君而見殺，春秋之所取也。意諸知國人將弑其君而不能止，知昭公之將見殺而不能正，坐待其及而後死之，所謂匹夫匹婦自經於溝瀆而莫之知也。奚得與死於其職者比乎？聖人所以獨取高哀之去，而書字以褒之也。

**音註** 當去聲 居音基

辛亥 匡王十有七年 晉靈十一 齊懿三 衛成二十 五 蔡文二 鄭穆十八 曹文八

陳靈四 杞桓二十七 宋文公 鮑元年 秦康十一 楚莊四

春 晉人衛人陳人鄭人伐宋 **音註** 自閔僖以至 終於春秋 陳

侯常在衛侯上。今大夫會在衛下。傳不言陳公孫寧後至，則寧位非上卿故也。

列國之卿，其君所與共天位，治天職者，宋有弑君之亂，欲行天討而伐宋，乃其職也。復不能討而成其亂，是不足為國卿，失其職矣。故皆賤而稱人。大夫帥師稱名氏，賤者窮諸人，其稱人賤之也。陳恒弑簡公，孔子請討，曰：以吾從大夫之後，不敢不告也。

夏 四月 癸亥 葬我小君聲姜 **音註** 聲姜 文公之 母 或作聖姜

齊侯伐我西鄙



春秋

六月癸未公及齊侯盟于穀

諸侯會于扈

宋昭公雖為無道人臣將而必誅春秋正宋人為弑君之罪所以明人道之大倫也故大夫無沐浴之請則貶而稱人諸侯無討賊之功則畧而不序不然廢君臣之義人欲肆而天理滅矣故曰春秋成而亂臣賊子懼

秋公至自穀

冬公子遂如齊

王匡王十四年十有八年晉靈十二齊懿四弑衛成二

九陳靈五杞桓二十八宋文二秦康十二卒楚莊五

春王二月丁丑公薨于臺下

秦伯罃卒音註康公卒音註

夏五月戊戌齊人弑其君商人音註懿公弑音註

按左氏齊懿公即位則邢鞅之父而使鞅僕納閭職之妾而使職驂乘二人者實弑懿公然則於法宜書曰盜而特變其詞以為齊人何也亂臣賊子之動於惡必有利其所為而與之者人人不利其所為而莫之與則孤危獨立無以濟其惡篡弑之謀熄矣惟利其所為而與之者眾是以能濟其惡天下胥為禽獸而莫之遏公子商人驟施於國而多聚士盡其家而貸於公有司是以財誘齊國之人也齊人貪公子一時之私施不顧君臣萬世之大倫弑其國君則覲面以為之臣而不能討執其君母則拱手以聽其所為而不能救

春秋文公下卷十五 十五 崑崙齋齋鑄



春秋

故於懿公見殺。特不書盜。反以弑君之罪歸諸齊人。以誅亂賊之黨。弭篡弑之漸。所謂拔本塞源。懲禍亂之所由也。故曰春秋成而亂臣賊子懼。  
**音註** 邢音丙。賦音觸。盡津忍反。貸音忒。

六月癸酉葬我君文公

秋公子遂叔孫得臣如齊

使舉上客。將稱元帥。此春秋立文之常體也。其有變文。書介副者。欲以起問者。見事情也。子赤。夫人之子。今卒于弑。不著其實。是為國諱惡。無以傳信于將來。而春秋之大義隱矣。故上書大夫並使。下書夫人歸于齊。中曰子卒。則見禍亂邪謀發於奉使之日。而公子遂弑立其君。  
**音註** 為去聲。使去聲。之罪著矣。

冬十月子卒

**音註** 子謂子赤也。

諸侯在喪稱子。繼世不忍當也。既葬不名。終人子之事也。踰年稱君。緣民臣之心也。子卒何以不日。遇弑不忍言也。既葬而不名。不名而遇弑者。不日以見其弑。子赤是也。踰年而稱君。稱君而遇弑者。不地以見其弑。閔公是也。何以知其賊乎。上書大夫並使。下書子卒。夫人歸。則知罪之在公子遂矣。孫于邾。出奔莒。則知罪之在夫人與慶父矣。繼世之恩。終事之重。情文之節。隱惡之禮。記事之信。誅亂臣討賊子之義備矣。  
**音註** 使去聲。

夫人姜氏歸于齊

**音註** 姜氏齊姜也。即哀姜也。

書夫人。則知其正。書姜氏。則知其非。見絕於先君。書歸于齊。則知其無罪。異於孫于邾者。而魯國臣子殺適立庶。敬嬴宣公不能事主君。存適母。其罪不書而並見矣。  
**音註**



春秋

適音嫡  
見音現

季孫行父如齊

莒弒其君庶其音註

稱君名  
無道也

音貝成罪之註亦  
是之註

春秋卷之十五

音千

文代乙



